



宋元舊本書經眼錄

第一卷目錄

毛詩要義 以下宋本

儀禮要義

陳氏禮書

春秋經傳集解 清熙本

四書集注

玉篇

史記集解 蜀大本

獨山莫友芝子德

儀禮鄭注

禮記要義

春秋經傳集解 巾箱本

九經直音

張子韶孟子傳

集古文韵

漢書 景祐本

漢書

湖北鹽茶司小字本

漢書

鷺州書院大字本

晉書

唐書

嘉祐杭州本

唐書

北宋本

唐書

資治通鑑目錄

資治通鑑綱目

名臣碑傳琬琰集

輿地廣記

東南進取輿地通鑑

西漢會要

東漢會要

鹽鐵論

文場資用分門近思錄近思後錄

西山真文忠公讀書記

米海岳畫史

白虎通

百川學海

士學規範

太平御覽

源流至論四集

揮麈前錄

續博物志

纂圖釋文重言互注老子

江文通集

韓昌黎集

古靈先生文集竝年譜

山谷外集

指南錄

文苑英華纂要

萬寶詩山

第二卷目錄

書傳輯錄纂疏

以下金元槧本

詩集傳附錄纂疏

附詩序辨說附錄纂疏

禮經會元

禮記纂言

春秋括例始末左傳直解

春秋胡傳纂疏

說文解字補義

元禮部韻略

史記集解附索隱

漢書

三國志

宋史 至正浙江行中書省官本

資治通鑑 興文署本

資治通鑑綱目

續宋編年資治通鑑

金陵新志

監本音注文中子

圖解校正地理新書 金槧本

書法鈎元

考古圖

困學紀聞

事文類聚

玉海

列子張注

宛陵文集

東萊呂太史文集 竝外集

劉靜修先生文集

道園學古錄

伯生詩續編

樂府詩集

周易集解 以下明槧本

周易本義

書經纂言

書傳集解

禮記集說

埤雅

漢書

前後漢書

管子無注本

農書

野客叢書

西溪叢話

章蘇州集

韓文攷異音釋 竝外集遺文附錄

雲臺編

崇古文訣

卷第三目錄

易學

以下舊鈔本

周易觀象補義略

爾雅新義

龍龕手鑑

吉金古文釋

通鑑紀本末補後編

建康實錄

靜齋至正直記

元和郡縣圖志

元豐九域志

新定元和九域志

長春真人西遊記

天下郡國利病書

南宋館閣錄

元祕書志

太常因革禮

政和五豐精義注

鄭堂讀書日記

舊館壇碑攷

太白陰經

素問六氣二珠密語

宋寶四年會天曆

乾象通鑑

古今集論字學新書

識遺

東坡先生物類相感志

醉翁談錄

朝野僉載

席上輔談

桂苑筆耕集

鉅鹿東觀集

河南先生文集

蘇學士文集

滹南遺老集

滋溪文稿

梧溪集

極玄集

金石三例

增錄卷第一

書衣筆識

增錄卷第二

金石筆識

右宋金元明槧本暨舊鈔本稿本書凡百三十種
悉同治乙丑迄己巳數歲中先君客游所見者或
解題或攷其槧鈔善劣或僅記每葉行字數目或
竝錄其序跋及經藏家跋語印記皆經眼時隨筆
志之以備循覽今年春姑夫黎蕙齋先生自吳門

來金陵謂足備目錄家之一亟欲壽梓繩孫謹次
爲三卷更集他書衣及碑帖題語爲二卷增焉吾
家影山草堂僻在黔南舊藏粗備尤多先人手澤
遭亂後散佚略盡不可復得今卷中麴存一二先
君少時所校也念之泣然同治癸酉七月丁未朔
第二男繩孫謹志于江甯旅舍

目錄終

宋元舊本書經眼錄卷第一

獨山莫友芝子德

毛詩要義二十卷

宋本今歸豐順丁氏光緒七年後為生中在段錄副本藏清廷進齋魏元記

魏了翁撰首為譜序一卷經依箋編二十卷中又分

子卷十有七凡三十八卷每葉十八行行十八字每

卷各以一二三條為題目低一格書亦有一條而有

二題目者其第二題目標之眉上又有當條所掇未

盡之義亦於眉上書之每卷首有棟亭曹氏藏書長

白敷槎氏董齋昌齡圖書印二印卷尾有桐鄉沈炳

垣手讀書記一印譜序卷首又有永超氏一印卷一

下之首有吳可驥印一印

宋魏崔山先生於理宗嘉熙元年丁酉以權工部侍郎忤時相謫靖州取九經注疏刪繁去蕪爲要義百六十三卷宋史藝文志分載其書當時陳晁兩家著錄可稱浩博亦不及載則知此書已不可多見矣四庫全書只載周易儀禮尚是全帙尚書春秋皆非完本近揚州阮氏復得尚書三卷卽四庫所闕之卷又禮記三十一卷首闕曲禮上下兩卷其餘四經竟無從咨訪矣壬辰仲春遼江晉不惜重值購得宋槧毛詩要義首尾完整觸手如新爲曹棟亭舊藏

本首列目錄次譜序次詩要義二十卷其一二五六十二至十七等卷分上下子日四卷及十八十九卷分上中下子日其餘均作一卷總子日并序計三十八卷展讀之下古香可掬眞希世之秘笈也其體裁與周易等相同有與疏本連文而要義取一二則者列其次日於眉上不復分裂原文隸標目之尤爲簡當傳箋遺辭博奧孔氏因劉炫等書爲正義於地理名物靡不旁搜曲引以資攷核故其疏較他經爲密鶴山復擷其要領以經及傳箋爲綱以正義爲目有條不紊易於記誦洵治經者不可少之書鶴山所輯

尚是當時善本必與今通行之本大有不同異日再
 為細校一過始無遺憾郡城金氏藏有宋槧禮記首
 兩卷即阮氏所缺之帙當訪求之從此易書詩二禮
 五經皆成完書真大快事也遂江席豐履厚而不以
 他好縈心惟古人祕笈搜訪不遺餘力是可尚已今
 擬將付梨棗公諸同好使數百年古籍晦而復顯其
 有功於藝林豈淺鮮哉因為識此錢天樹

張文虎案天樹號

夢廬平湖人跋中所稱遂
 江壻者胡氏亦平湖人

魏崔山先生毛詩要義三十八卷為 文淵閣箸錄
 所未及道光間儀徵相國采進遺書亦未之見上海

郁泰峰氏乃蒐獲曹棟亭舊弄宋槧本于嘉興士家
 海內更無第二本遂卓為宜稼堂數十宋槧之冠友
 芝同治乙丑五月來滬上珍重假讀心神開曠百慮
 盡消斷推此游第一快事友芝夙有詳校毛詩疏于
 乾嘉諸老所舉中外舊本異同一一甄錄唯未及要
 義本他日再為滬游必挾以來更乞與細讎一通乃
 不虛此眼福也獨山莫友芝

儀禮鄭注十七卷

宋淳熙本

每葉十六行行十七字注雙行行字同板心上端右
 并有淳熙四年刊五篆字每卷末悉分記經注字數

一卷首十七卷尾竝有松雪齋趙孟頫印海上醉六
經齋藏書之章三印首又有竹泉珍祕圖籍啟淳珍
藏顧氏二印末又有梁氏家藏一印二卷末又有談
聞齋主人楷書木記凡百有七字同治甲子署蘇松
太道丁禹生日昌獲之上海肆中乙丑五月三日客
道署借讀審定為實事求是齋經籍之冠

儀禮要義五十卷

宋本

行款與毛詩同亦郁氏宜稼堂藏闕首六卷自卷之
七士相見禮始每冊首有汪士鐘印閩源真賞二印
其首六卷則鈔補

禮記要義三十一卷

宋本

今歸丁氏早已冬自後為生中程段
錄副本藏之恐進齋觀元

行款與儀禮同亦郁氏宜稼堂藏闕首二卷儀徵相
國進此書亦闕曲禮上下兩卷也卷首有新安汪氏
啟淑信印二印

陳氏禮書一百五十卷

宋本

宋陳祥道撰首載建中靖國元年正月禮部差楷書
畫工人鈔祥道禮書牒竝及陳暘樂書次祥道進書
表序中參有樂書序一葉無前半蓋當時二書竝刻
也肆中有樂書與此相似半葉十三行行二十一字
春秋經傳集解三十卷

宋巾箱本

每半葉十一行行大二十字小二十字每卷書題云京本點校重言重意春秋經傳集解某公某第某亦有一二處題于重意下多互註二字者核卷中當句下標記有重言重意互注似句四件不能盡見書題也經傳竝句讀發四聲而不及註註下附陸氏音義核字體似南宋元初刻舊藏者鈐以趙宋本印亦無確據勘紙有徵明小印丁卯十月至滬肆賈以相視驗卷端印知經藏汪士鐘徐渭仁家印本尚是中上惜僅後半部耳有徐紫珊印汪厚齋藏書汪士鐘讀書子有父四印

春秋經傳集解三十卷

宋淳熙小字本

每半葉十行行大十八字小二十字板心高今營造尺五寸弱第三十卷後有楷書八行木記云僅依監本寫作大字附以釋文三復校正刊行如履通衢了亾窒礙處誠可嘉矣兼列圖表于卷首迹夫唐虞三代之本末源流雖千歲之久豁然如一日矣其明經之指南歟以是衍傳願垂清鑒淳熙柔兆浞灘中夏初吉閩山阮仲猷種德堂刊蓋閩阮氏種德堂書肆所刊較巾箱本縱橫稍闊寸許其謂依監本寫作大字知臨安舊有巾箱監本因而小拓之也戊辰春

抄蘇肆持售首有瑞南朱文印

九經直音十五卷

宋本

宋廬陵孫奕撰海甯查氏藏本九經者孝經論語孟子毛詩尚書周易禮記周禮春秋也不用反切直取同音字旁注其下無同音字則以同四聲字紐之如唐人九經字樣之例半葉十三行行二十二三字不等巾箱本大小如今秦氏覆宋九經此音蓋卽刊附九經後者也今四庫收奕著述有示兒編提要謂其字季昭號履齋甯宗時嘗官侍從其歷官無攷四庫又收明州本宋人排字九經直音二卷爲元至元

丁亥書隱堂刊者按之卽是奕書提要謂所音皆據經典釋文而兼宋宋儒于釋文一字數音者皆竝存之亦時有半從半違之失而大致能決擇是非陸無音者亦頗有補苴其于宋儒詩中庸語孟用朱子易兼用程朱他及胡瑗司馬光禮多守方慤注亦兼存鄭義又條舉其音字若干事爲糾論踰千言又謂九經前後失次證以奕書無不悉合紀陸諸公未見此本遂謂纂人無攷乃今得之眞大快事其卷數懸殊者此十五卷本百一葉若爲二卷卷亦止五十葉未爲甚大坊間合併且逸其名非宋刻僅存亦烏從識

之哉同治己巳二月查生燕緒持來視其師張廉卿
廉卿寓余許因更畱觀數日爲考論歸之孫氏示兒
編中有經說五卷字說五卷于字音字訓辨別異同
多資考證蓋南宋績學之士故此直音一書在宋人
經音中最高為善本纂刊無序例年月其序示兒編在
開禧元年則大率甯宗時也既望戊午

四書集註

宋本

每半葉七行行十五字經注皆有句讀註及序有口
抹其文字異今本處與元和吳氏所言宋本大同蓋
卽其所據也序後及每卷末皆附音攷於名物制度

亦有補益不知何人所爲音攷字形稍狹而活蓋本
書係用舊本翻雕所附音攷則當在用以取士時稱
淳熙本則未確項氏舊藏後歸蔣氏今歸錢塘丁氏
卷中有萬卷堂印項氏少谿主人子信管周家藏鴻
城蔣懷堂珍藏袁又愷藏書吳越錢氏鑑藏書畫芥
青拳石山房項氏世家八印

蔣氏跋云曾王父諱升瀛號步蟾一字懷堂又號采
若南宋希魯公之二十世孫世居吳淞之鄧巷邨公
自幼勵志讀書性冲粹好施與早歲有聲鬻序旋貢
成均栽培弟姪輩成立者頗衆日以書史自娛當代

名公咸樂與交後遷入城蕭家巷辟鏡古齋藏書多
宋槧本郡守鼇石蘇公重刊魏公譚訓稱壽松堂蔣
氏宋本校刊者即公所藏也清熙四書江南相傳僅
二部一藏藝芸書舍汪氏一卽此部惜逸公孫丑二
卷余嘗以爲憾因遍訪收藏家於咸豐己未借虞山
瞿氏本影鈔得成完璧瞿本蓋卽汪氏所藏者此書
在余家傳至余兒芥青凡五世敬謹什襲不敢忘先
人遺意庚申之變轉展遷徙家之所有蕩焉泯焉唯
祖遺書籍命芥兒好爲護持所在輒隨因得免於浩
劫是芥兒實有功於是書今余幸還故土而芥兒遽

化覩物觸情能毋於邑且余未有嗣則此書將來又
誰爲之護持耶噫余雖以不克承先貽後爲憾而物
無常主但得珍藏家金匱玉函守之弗失余亦可無
負于此書也已丙寅仲夏下浣培澤敬識

張子韶孟子傳二十九卷

宋本

宋張九成撰八冊每冊有汪士鐘閬源印則其舊藏
也每卷書題云張狀元孟子傳卷第幾結銜云皇朝
太師崇國文忠公鹽官張九成子韶爲理宗寶慶初
所贈謚則寶慶以後刊也半葉十四行行二十五字
每葉左端線外皆有篇名標記末缺盡心上下二篇

四庫總目此書亦二十九卷亦謂原本佚此二篇豈
庫本即從此出耶丁卯初冬寓蘇城有持售者俞蔭
甫山長遣以相示薄絲紙印尚無一筆漫闕惜上下
端朽補目 天祿琳瑯載九成此書影宋鈔本亦二
十九卷蓋即從此本出史志張氏孟子傳三十六卷
趙希弁讀書附志亦云三十六卷則所缺者七卷也

大廣益會玉篇 宋本

此本校今張曹兩刊多偏旁篆書八葉蓋南宋書肆
所意增其用心良善唯部目本以領所從諸字而一
王乃用弋玉者不少則何以訓乎錄如左

玉篇總目偏旁篆書之法 自書契造於伏羲而文

字之端始見鳥□□□□□□□□文字之形始立其後

也曰大篆曰小篆曰□□□□□□□□皆倣古法而為之

變易者也世之知書者皆□□□□□□謂字學者矣然

所曉者訓讀楷書而□□□□□□□□徒見其句畫

之委蛇而不知字之偏旁有定□□□□□□偏旁有定

體則觸類而長辨章析記若繡工之觀畫耳豈特施

於文字哉此予於玉篇總目五百四十二字必引篆

書偏旁以冠之也博雅君子幸毋□□□□□□

一弋上上示示二二三三王王玉玉珏珏土土珪珪

凡七葉餘四行二字以盡五百四十二部末綴楷書一行云右字之音切已具總目此不重載

集古文韻第三卷

宋紹興本

每葉十六行行大字九約可容小字十八蓋夏英公古文四聲韻五卷之一紹興乙丑年僧寶達刻于齊安而開禧元年後印本黃伯思東觀餘論云政和六年冬以夏鄭公集古韻及宗室克繼所廣本二書參寫並益以三代鐘鼎彝器款識及周鼓秦碑古文印章碑首并諸字書有合古者益之以備遺忘云云是宋人古文篆韻有三今唯英公集者有新安汪啟淑

刊本趙黃二本則皆無傳宋史經籍志及玉海謂宗室趙善繼與于汴京石經之役者嘗進古文篆韻一書當與伯思所指克繼爲一人或一字誤記也知此本爲紹興刻開禧印者全祖望古文韻題詞謂曾借鈔天一閣夏英公古篆韻據晉陵許端夫序蓋紹興乙丑浮屠寶達重刻于齊安郡學許爲郡守因序之寶達者劉景文之孫精于古文篆親爲摹寫其亦南嶽夢英一流矣至北宋本當有前序而今失之按此本僅上聲一卷其有許序及有前序否不可知而紙背大半是開禧元年黃州諸官致黃州教授書狀宋黃州

猶稱齊安郡此板在郡學學官以書狀紙背印書事
 理之常故知為紹興刻開禧印也紙背狀中首尾結
 銜一曰朝散郎權知黃州軍州事王可大一曰秉義
 郎新添差黃州兵馬監押趙善覲一曰訓武郎黃州
 兵馬都監兼在城巡檢徐靄一曰迪功郎黃岡縣尉
 巡捉私茶鹽礬銅錢私鑄鐵錢兼催綱陸工程一曰
 朝奉郎行戶部員外郎吳獵一曰武畧郎添差淮南
 西路將領張口一曰學諭章準一曰學生教諭李起
 北一曰學生直學徐灝一曰升大失其官及姓凡十
 人其本官結銜則云從事郎黃州州學教授呂吾衍

學古編云夏竦古文四聲韻五卷前有序并全銜者
 好別有僧翻本不可用此書板多而好者極不易得
 所謂僧翻本蓋即此本全氏謂其精于摹寫而吾氏
 謂不可用以今行汪刊本校之小有損益異同而夏
 氏所用二百十部切韻其部次與唐顏氏千祿字書
 合者乃移改同廣韻集韻則斥其不可用者誠非苛
 論也徒以宋刻宋印且紙背諸狀足見爾時交際儀
 式故取備一種耳是書紹興乙丑刊開禧乙丑印而
 余後十一乙丑同治四年之夏收諸上海市中抑何
 巧合乃爾物之顯晦豈亦有數耶

古今文移案牘用紙皆精好事後尚可他用蘇子美
監進奏院以鬻故紙公錢祀神宴客得罪可見宋世
故紙未嘗輕弃今官文書紙率輕薄不耐久

史記集解

宋蜀刻大字本

上海郁氏藏

玄敬躬貞徵讓獅字相音缺慎不缺每葉十八行行
十六字注行二十一二十二字不等初印紙墨精潔
本紀存五六八九十一十二七卷表存四五兩卷
世家存五至十及十八至二十四及二十六十四卷
傳三十九四十及四十七至五十僅六卷共二十九
卷每卷有當湖小重山館胡氏遂江珍藏紀九卷又

有吳寬白小地山子孫保之四印十一又有停云肇
錫余以嘉名芙初女史姚晚真印勤襄公五女若衡
五印

漢書一百卷

宋景祐本

影鈔補者目錄帝紀一上下表七上下傳三十二至
三十四上數卷其實爲景祐原刊合得七十餘卷餘
者以元人覆本補之其中元統大德修補之葉黃蕤
圃悉記其目于卷端鈔補數卷則本自曹倦圃蕤圃
有此書爲倪雲林凝香閣舊藏者見百宋一廬賦注
後歸汪閬源此其次也卷中有眉公繼儒曹溶鑿藏

虞山張蓉鏡鑒定宋刻善本姚氏婉貞笑初女史諸印首有李申者識云漢書宋景祐刊本烜赫於絳雲樓六丁取之矣西清古鑑所收亦景祐本天府之儲無由見也向時張月霄藏有元統大德補修本欲借未果而已星散深以歎惋此本亦有補刊未知與月霄本何似然原刻存者尚十七八以校別本甚有差殊擬仿盧抱經先生羣書拾補之例為校勘記以永其傳僅盡首函思借全書足成之笑川諾我否道光十七年徂暑之月揮汗識此武進李兆洛後歸張氏郁氏今歸豐順丁氏

漢書一百卷

宋湖北提舉茶鹽司小字本

半葉十四行二十七字或二十六二十八二十九字不等注行三十四字或三十三三十五字不等板高今七寸弱其避諱至慎字止蓋孝宗時刊遂初堂書目有湖北本前漢書當即此本以校明汪文盛本時有互勝互脫字而足正汪誤者多汪本自八表下每附劉氏說而此本皆不附同治己巳秋吳門市出汪士鐘舊藏又有陳道復印則偽作也

漢書

宋鷺洲書院大字殘本

半葉八行行正文十六字注文雙行二十一字每卷

未皆記一行云右將監本杭本越本及三劉宋祁諸本參校其有同異竝附於古注之下又有正文若干字注文若干字一行或二行在卷題後始刊于南宋末畢工于元至正間其卷末記甲子可考字較景祐本尤爽目惜僅景十三王傳司馬相如兩卷鷺洲乃吉安府城東贛江中長數里之白鷺洲宋淳祐間知吉州江萬里建書院其上以教俊秀歐陽守道為之記徐俯師川詩云金陵與廬陵俱有白鷺洲相望萬里江中同二水流者是也己巳七月七日觀于沈均初樹鏞舍人案頭雖殘帙亦可貴

海甯吳免牀騫有宋刊漢書殘本列傳十四卷葉十六行行十六字

張金吾有宋嘉定刊後漢書葉十六行行十六字注二十一字百宋一廛賦注云嘉定戊辰蔡琪純父所刊也

晉書 宋本

每半葉十四行行二十五字明王弼洲舊藏今歸錢塘丁氏每卷首尾晉書若干在紀志傳載記若干之下者皆刊補寫殊不可解卷首有鼎元臣筠三晉提荆仲雅商邱宋犖收藏善本馬瀛之印二檀漢晉齋

印八印尾有泰峯見過一印

此書為王弇洲先生所藏貞元本唐德宗年號印恰符先生名字故其祕冊往往摹而用之下必繼以三雅印此屬仲雅者嚮會遭割裂想經先生改正余全史中原本亦係宋刻每多缺字而此本特全洵可寶也湖南毛晉識

唐書

宋嘉祐杭州本

每葉二十行行十九字其末卷二十二葉後八行總計云唐書凡二百二十六篇總二百五十卷 二十一帝紀一十篇一十卷 十三志五十篇五十六卷

三表十五篇二十二卷 列傳一百五十篇一百

六十卷 嘉祐五年六月二十四日 進呈 二十

三葉載銜名編修官劉義交行呂夏卿行宋敏求行

王疇行范鎮行刊修宋祁行歐陽修行提舉編修曾

公亮行嘉祐五年六月二十六日准中書劄子奉行

聖旨下杭州鏤版頒行行校對無為軍判官將仕郎

試祕書省校書郎充國子監直講行其三十四葉缺

校對銜名未完 同治乙丑五月嘉興馬氏持售于

上海僅尾三卷逆臣傳以湊別一舊本謂別本為宋

刻此三卷為元刻以余審之此三卷宋刻其別本之

全乃元明間刻耳別本板心校此高廣各一指許每葉二十行行二十二字每卷題名但云歐陽修奉勅撰宋祁奉勅撰而不具官銜不書臣此三卷則銜臣皆具且字體方滿精神故也別本末附釋音二十五卷今官本亦有之其序一篇不記載否漫錄如左

新唐書釋音序 將仕郎前權書學博士臣董衝上進嘉祐中 仁宗 皇帝詔儒臣修唐書其事廣於前其文粹於舊學者願觀焉或字奇而莫能辨則悵然而中止者有矣猶之求珠於九重之淵驅龍寤而當其前則退縮而不敢進彼雖至寶橫棄於其側可

得而有之耶故諸史中惟新唐書能究其終始者尤鮮臣每讀晉史見何超纂音義竊嘗慕焉於是歷考聲韻以爲之音使學者從容而無疑觀其文章藻繪體氣渾厚可以吹波助瀾揚厲清浮則愈於得寶之美也若夫名篇之日立傳之實增損出入有異於舊史者悉見諸因革云崇寧五年十一月日臣衝謹序

釋音中第一卷有結銜
竝同上二卷以下俱無

唐書

北宋本

每半葉十四行行二十五字其爲原刻者半修換者半蘇門市中物有汪士鐘印

唐書 宋本

每半葉十六行行二十九字汪闓源氏舊藏今歸錢塘丁氏每冊首有汪士鐘印闓源真賞二印

資治通鑑目錄三十卷 宋本

陳本于自序後更出結銜開卷即知其謬又每年歲陽歲名之末復以甲子乙丑注之亦疑其不然此本自序後即接書年國卷每年下亦不注甲子乙丑且結銜一行密字敕乃提行可見溫公元式上海郁氏宜稼堂藏此以為宋本驗第一卷結銜字多差誤蓋翻雕者偶爾失校其為宋為元皆不可知然足以洗

明人移刻之陋亦劇可寶貴矣此本第一卷三十八葉第二卷四十六葉陳本鬆展之一卷五十八葉二卷六十五葉亦多費紙墨絕無勝處此本凡書一事下空一格陳本于空格皆填一圈然誤聯二事為一者不少且多增減錯誤竝當以此本正之湘鄉相國嘗以胡果泉仿刻元本通鑑無目錄為闕典思得善本刊傳以惠學者此足以稱之矣當為一言借影付雕也每卷首有宋本曾在春星閣汪士鐘曾讀三印竟不知來自誰氏

資治通鑑綱目五十九卷 宋乾道本

乾道壬辰四月刊紙精印首尾一律每半葉八行
行十七字雙行亦行十七字有弘治初人題識謂在
當時已難得如此善本季蒼葦舊藏有名字印後爲
郁泰峯宜稼堂所收今歸豐順丁禹生氏

新刊名臣碑傳琬琰集一百七卷

宋本

半葉十五行行二十五字

輿地廣記

宋本殘帙

始第十八卷至末三十八卷止每半葉十行行二十
字卽黃丕烈士禮居仿刊祖本首有丕烈題識同治
乙丑夏滬上市出此書前二冊亦宋槧式相似亦丕

烈據以仿刊者惜未能收合之也豐順丁禹生方伯
所藏丁卯仲冬借觀記

東南進取輿地通鑑三十卷

宋本

宋孝節先生趙善譽撰取三國至梁陳東南攻守事
事爲之圖圖後附以地理攷及本事始末蓋爲南渡
後圖金而作是當日極有用書也 文淵閣未及著
錄蓋逸已久矣每葉二十六行行十九字上海郁氏
宜稼堂所藏卷首有太華山人汪士鐘印三十五峯
園主人从龍私印劒光閣黃丕烈印蕘圃東吳宋克
冒鸞九印而百宋一塵賦不之及

自序云善譽聞險要視乎地攻與守屬諸人古今之地未始殊絕而或得或失者人事之不侔也自三國以迄于陳南北攻守之變備矣其事可覽而類也其地不可不攷而圖也覽古之事以攷今之地為有用之學哉難之者曰古尋陽本治江北而今在江南自溫嶠始徙也古當塗本以塗山為邑而今在姑熟晉成帝遷之也是郡邑之不常未易以今究也古駱谷道自盤屋南通漢中今塞矣唐武德間所開非必漢魏之舊也古巢河水北流合于肥河今堙矣吳魏舟師之所由不可見也是川陸之不常未易以今

論也若此之類不勝殫舉則此書欲以有用無乃幾于無用也吁杜征南預以晉之郡國而釋春秋之地名顏祕監師古以唐之州縣而注漢秦之疆域其曰未詳者不害為闕疑而二書遂瞭然于千載而以古今之難窮為諉而不盡其心哉故因通鑑編年參之正史以類南北之武事即地理之書攷之今日以究攻守之所在既載其事以論之又為圖于前以便稽覽雖曰昔人遺跡不無湮滅而古今地志亦或疏畧然尋文圖可攷者十常八九其所未究則闕之以俟博口於史學不為無補也唐太宗有言曰以古為

鑒可知興替而光武系隆炎漢廓清六合實有感于披輿地圖之日則是書之有用將不止為觀史之助焉趙善譽謹序

黃蕘圃庚午夏跋謂此為無錫故家物主人姓顧係涇陽先生八世孫此書尚是涇陽先生從都中寄歸者又跋云東南進取輿地通鑑自來藏書家惟傳是樓著錄然止云二十卷一本亦不詳列鈔字樣則徐氏之書非即是本矣此書名目在宋已非一定檢宋史藝文志史鈔類云趙善譽讀史輿地攷六十三卷一名輿地通鑑陳氏書錄解題云南北攻守類攷監奏進院趙善

譽撰進以三國六朝攻守之變亦作三十六卷茲所鑒古事以攷今地每事為之圖存者殆一半差弱序全日佚三十卷後割補之痕宛然三國六朝之總圖總論具存其每事為一圖至晉而止書之殘毀僅存者正賴此宋刻祖本豈非天壤間奇物乎復翁記

西漢會要七十卷 宋本

宋嘉定乙亥刊本進書半葉十一行行二十字序題從事郎前撫州州學教授臣徐天麟上進目錄及每卷題銜皆同進表末署嘉定四年九月十一日漢高帝即位之明年尊太公為太上皇越四年令郡

國立太上皇廟終漢之世止稱太上皇高帝有天下而祖廟不立博士諸生無能言者其他庶事艸創何足怪也司馬遷作史記具載帝王世系至高帝紀言太公而不言其名言劉媪而不言其氏班固從而因之劉氏世系無傳焉固實爲漢史而大事率略如此漢家制度豈能廣記備言耶徐君仲祥甲科名士采漢故事彙聚成書目曰西漢會要漢禮樂庶事大略可睹視遷固二史有功多矣余少不揆嘗論次漢事補漢百官兵制及續食貨志藏之篋笥不知何人持去至今往來于心也仲祥更因是書稍加潤色成一

家言庶幾漢事得失有所是正二書竝行益善矣仲祥旣上其書于朝大參樓公爲之序屬余書其後顧余何敢而仲祥請益勤姑以平生所懷附諸卷末云嘉定四年嘉平月永嘉戴溪書

訖聞西漢會要久矣茲辱奏院公貽書以其介弟總幹所傳錄經進別本俾刊于郡齋訖固所願見所願傳者因得孰復其間舉宏撮要互見旁引可謂用心勞苦一開卷則漢二百年規模制度森然在目自非專門問學相承好古博雅源深流遠實事求是眞積力久安能臻此然書史傳錄之或誤則鐫工摹刊之

必差一字失其本畫一語脫其全文則未免有害于義理于是訪求正史之善本校對之果有如前之差誤者既加是正而後命之鈔梓庶不孤所辱昔班氏父子采前史遺事旁貫異文續太初以後之書其文澹而事詳世稱爲良史本朝公是公非二先生是正西漢所謂三劉漢書與所著東漢刊誤漢官儀竝傳于世今奏院公父子叔姪兄弟一門儒業之盛先是有漢官考鈔行廣右其視二班三劉一家之學可謂有功於漢史俱深矣今本既盡善學者能考一代之制從而追復先秦而上三代之文則是書之傳豈曰

小補之哉嘉定乙亥春鉅野李訢書

樓大防序失去首又有錄白省劄云祕書省狀嘉定四年十一月十六日準都省送下從事卽前撫州州學教授徐天麟劄子竊惟三代而下言治者必曰漢唐七制三宗之治固已炳煥青史至於典章法度散在紀傳學者每病本末難見自國初儒臣編類唐會要獻之藝祖皇帝而唐之制度紀綱粲然易考惟是漢接商周而興一代彝章號爲近古而獨未有類書頗爲缺典天麟不量謏薄編成西漢會要七十卷目錄二卷已於九月十一日具表投進二部共八十冊

內一部乞降付太子宮一部乞降付尚書省今已兩
月未蒙付出重念天麟辛勤鐙窗垂三十年凋疲心
志僅成此書西都文物頗爲詳備上可以廣聖學之
緝熙下可以備禮官之考訂其於治道不爲無補天
麟所進正本見蒙畱中今別寫到一部計一十冊見
在欲望朝廷取索今來寫到一本送秘書省詳看施
行庶幾天麟半世編摩之工不爲徒勞後批送秘書
看詳申尚書省又於十二月二十二日準都省送下
徐天麟上表繳進西漢會要四十冊乞降付史館事
後批送秘書省一就看詳申尚書省本省照得所進

文字止是一書今看詳到徐天麟所進西漢會要勤
於史學總輯有功伏乞朝廷指揮施行本省元承都
省批下徐天麟二狀繳連在前竝發下西漢會要二
部隨狀繳納見到伏乞照會施行申聞事仍連西漢
會要進本竝副本二部共五十冊正月二十八日奉
聖旨降付秘書省 右劄付秘書省嘉定五年二月

三白押押

東漢會要四十卷 宋本

宋寶慶丙戌刊本進序署寶慶二年六月二十二日
奉議郎武學博士臣徐天麟謹上表末署同目錄及

廣東學子海堂刻本
此四卷開佚亦同光緒七年陶孝廉福祥春海從京師鈔得乃修補完全

每卷結銜同亦十一行行二十字二書皆上海市出
西漢紙黃色稍短襯接成大冊東漢則白絲紙甚高
闊二書皆歸武原馬玉堂笏齋明經乃合裝之有道
光壬辰識語今爲應敏齋方伯所購東漢會要 四
庫據傳鈔宋本缺三十七三十八兩卷又三十六三
十九兩卷各佚其半此本此四卷皆全洵奇寶也
唐治不過兩漢唐有會要漢乃闕而未備武學博士
徐君仲翔彙集兩漢事各爲會要一書會要有書則
兩都之制度典章散在紀傳表志間者皆易於參攷
既於治道不爲無補加惠後學亦非鮮淺前郡侯已

刊西漢會要于郡齋踰十年東漢事會粹始就仲祥父
子伯仲俱刻意史學各有書行於世仲祥此書尤有
益於世用其用志亦篤矣併鋟木以廣其傳寶慶丙
戌良月朔古括葉時書

鹽鐵論十卷

宋本

漢桓寬撰每半葉九行行十八字第十卷末葉有淳
熙改元錦谿張監稅宅善本二行楷書木記紙墨亦
精雅卷首有馮武題識云先太史藏書萬卷子孫不
能讀且不知愛惜卽宋元精板嘉書盡化爲蝴蝶飛
去吾能無念乎茲鹽鐵論十卷相傳宋板末有淳熙

改元錦谿張監稅宅善本等字余素愛寶之不敢批
點又得副本遂以此贈平原文虎道兄因文虎文墨
筆硯之好與吾同病在環堵中無異於別館也時己
巳年暮春河漢馮武謹識乙丑春上海市出豐順丁
禹生觀察所收暇當取家藏明本一校馮武乃定遠
之從子傳其

筆法著有書法正
傳十卷見簡明日

文場資用分門近思錄二十卷近思後錄十四卷

宋本

海甯查氏藏本蓋南宋末坊刊朱子序後有建安曾
氏刊於家塾二行木記以朱子書分爲百二十一目
破析瑣碎直不成書間元周公恕有此書分類集解

頗妄爲分析移置大概與此書相似觀其書題可知
其不學矣其後錄皆采朱子所錄之外程門諸儒以
下及于朱子之說分道體論學致知存養克己家道
出處治道制度事理教人謹戒異端氣象十四目各
爲一卷較前書爲有條理不知何人編也唯其刊印
精雅卽坊刻乃勝明隆萬以還江河日下有卽梓匠
一端可以觀者己巳二月識

西山真文忠公讀書記

宋本

每半葉九行行大十六字雙行小字二十四寫刻精
好不苟宋本之善者惜僅有甲記三十七卷卷端有

季振宜讀書季振宜印滄葦數印

米海岳畫史一卷 宋本 魏元收有此書乃光緒四年得於京師

豐順丁氏藏每半葉十一行行二十字卷末有朱筆

書康熙癸巳蔣生子範所贈一行前有咸豐四年顧

武保題識謂是冊宋槧初印購貞躬徵等字避諱首

葉有葉氏藏書印蓋即文莊故物末朱字一行何義

門手筆 子範蔣棟字長洲人何太史弟子

白虎通上下二卷 宋本 嘉興唐氏藏

有乾隆甲辰盧文弼跋云余校白虎通付校垂竣而

吳子葵里示余以此本此北宋時坊間所行未校本

也其小序數行云白虎建德論者開卷即已錯譌余

取其書字字比對始知此本尚多古字而近世本率

多改易至性情篇中有與近本迥異而實勝者即一

二誤書尚可循形聲而得其本字若近世本則不加

思索而徑改矣雖分上下兩卷然篇目上作圓圍者

十仍不失十卷之舊近世本最後三篇此本在爵號

謚之次實第二卷也三篇之序亦復不同後得元大

德本與明傅氏程氏吳氏何氏本不甚異要皆不及

此本余取此書之善者具著于校勘補遺中仍以其

本歸吳子十二行行二十三字鷦安云此宋刻元印

坊本故多譌字不避諱字畫之遒勁之氣已開元初風氣必推為北宋本陋矣

百川學海 宋本 上海瞿氏

宋左圭禹錫編刻之百種每半葉十四行行二十八

字 魏元帝在東川收得是書乃高丘宋侍御蘭暉舊藏首尾完善今儲是進齋

皇朝仕學規範四十卷 宋淳熙三年本

每葉二十四行行二十五字句讀有小圈竝圈發異讀字之四隅其葉數通八卷為一起蓋是元分五冊裝紙墨精潔可愛張功甫自序刻此書在淳熙丙申四月蓋即張氏自刻初印本也嘉道時藏嘉興張未

未廷濟家自二十三至末缺八卷及自序卷目竝未未鈔補同治乙丑五月客上海醉墨書肆持售畱觀五日其卷九卷十七卷二十五首竝有張廷濟印張未未尚寶少卿袁氏忠徹印三印及袁氏靜思齋引顏氏家訓六十五楷字長木記卷八卷十六卷二十四卷三十二尾竝有楊廉夫清儀閣張未未廷濟四印未未題其首曰淳熙三年丙申原刻初印係楊鐵崖袁忠徹舊藏本乾隆時武陟令查宣門開所珍賍者嘉慶時余從宣翁之子棗庵秀才以銀十餅購得前缺序目後缺作文作詩二類八卷余從海鹽朱春

甫錦及余次兒慶榮從宋槧覆刻本影鈔補足授慶
榮珍之道光二十五年乙巳七月二十日嘉興竹田
里七十八歲老者張廷濟未甫

太平御覽

宋本殘帙

湖州徐氏藏

每半葉十三行行二十二字存三百六十六卷

卷一至百

三十三卷百七十二至二百卷二百十二至三百六
十八卷四百二十四至四百五十五卷五百三十一
至五百三十三卷五百四十一至五百
四十五卷七百二十六至七百三十黃丕烈汪士

鐘并經收藏丕烈記存卷數目于第一卷之端同治

丁卯十一月朔俞蔭甫山長持以相示謂人家求售

者索昔價每卷銀一兩首葉有文淵閣印汪士鐘藏

黃丕烈印復翁士禮居藏南州高士東海豪家六印

題銜惟首卷云翰林學士承旨正奉大夫守工部尚

書知制誥上柱國隴西縣開國伯食邑七百戶賜紫

金魚袋臣李昉等奉

四十二行勅纂二字餘卷無

源流至論四集四十卷

宋本 滬市

每半葉十五行行二十五字前集後集續集凌駟撰

別集黃履翁撰

揮麈前錄四卷

宋本

上海瞿氏

王明清仲言撰其序在第四卷末結云淳熙乙巳中

元日朝請大主管台州崇道觀汝陰王明清書題

曰王知府自跋跋前為季堂復仲言書題曰季賢良簡又前為臨汝郭九德跋又前為沙隨程迥跋又前為仲言乾道丙戌冬長至成書自識三行紙墨頗佳每半葉十一行行二十字每條第二行後皆低一字首有汪士鐘印三十五峯園主人秋浦憲奎四印末有平陽汪氏藏書印一印

續博物志

上海瞿氏

結銜云前都官員外郎隴西李石撰其中于本朝祖宗等俱提行蓋猶宋式特非初印每半葉十一行行二十三字惜紙朽已裱裝過

纂圖附釋文重言互注老子道德經二卷

嘉興唐氏藏

十三行行二十三字巾箱本

梁江文通文集十卷目錄一卷

宋本

梁江淹撰第一二卷賦三四卷詩五卷傳書奏記牋表六卷為始安王建平王章表教啟行狀七卷勅為朝賢作書及尚書符慰勞雍州文為蕭驃騎諸表啟教八九卷為蕭太尉太傅齊公齊王表啟章自受禪後諸詔第十卷誄誌祭咒諸文及頌讚雜言騷辭終以自序一篇有云未嘗著書唯集十卷豈即所自定耶其編次極有條理四庫著錄本四卷特據明人

鈔集者猶未見此本也前後無序跋不知何時所刊卷中鏡敬等字缺筆亦姑謂之宋本每半葉十行行十八字卷目及五卷有印曰虛堂丙寅六月上海市出者又見一陸士衡集與此本行字數與板式大小皆相似惟宋諱字不缺筆乃明正德己卯六月都太僕穆以宋慶元中華亭縣齋刊本與吳士陸元大重刊者知文通此集卽是宋刊意宋時必有魏晉六朝名集彙刻之本故兩集式攙若一百

韓昌黎集五十一卷

宋世綵堂本

相傳明東雅堂徐氏翻刻廖氏世綵堂韓文一仍舊

式而不著其所從來今觀此本信然每葉中縫下截悉有世綵堂字徐氏悉以東雅字易之傳目後有世綵廖氏刻梓家塾篆字木印徐氏各卷尾亦仿之此初印本紙墨精好字體在歐褚閒徐本猶未能畢肖也卷中有汪士鐘印閻源眞賞少谿主人項氏萬卷堂圖藉印田耕堂藏泰峯審定郁松年印七印

古靈先生文集二十五卷使遼語錄一卷

宋本 唐氏藏 嘉興

末有其孫輝跋云四世從祖密學公平曰所爲文章不知其幾厥後哀掇爲卷者僅二十有五目曰古靈先生文集以聖天子詔冠之預有榮焉里人大夫徐

君世昌嘗摹刊于家其間頗有舛譌歷歲既久且將漫漶輝竊有意于校正因仍未遑每以爲恨揭來章貢屬數僚士參校亥豕因命仲子暕推次年譜併錄之木庶幾有以慰子孫瞻慕之心也紹興三十一年十月旣望孫右朝請大夫直祕閣知贛州軍州主管學事兼管內勸農營田事提舉南安軍大雄州兵甲司公事江南西點兵馬鈐轄輝謹題大字十行行十

八字元印

缺筆至擴則後所刊

山谷外集

宋淳祐閩憲本

史薈室注山谷外集十七卷宋淳祐閩憲刊本半葉

九行行大小字均十九烏程蔣氏瑞松堂所藏同治丙寅秋在滬假讀于海珊遂畱行篋中戊辰暮春來吳門書局始取校嘉靖刊全集本資是正不少其中閒先後脫五葉皆已鈔補按之非史氏元文乃昔藏者意綴依謝蘊山刊翁覃谿校三注本別鈔易之翁本第五卷和子瞻粲字韻詩闕注者數行此本此數行適空木未刊知翁本卽從此本出也

指南錄五卷

宋景炎本

嘉興唐氏藏

宋文天祥撰自序題是年夏午改元景炎廬陵□□□自序其詩名曰指南當書名處皆剜空則元時所

爲也巾箱大字本八行行十六字第二卷有數題皆
墨釘蓋有所避

文苑英華纂要四卷 宋本

宋高似孫纂甲卷九十八葉乙卷九十七葉丙卷八
十二葉丁卷七十葉前有似孫序後有元趙文序上
海市出板稍漫漶蓋元明間印者每卷首有印曰宋
本曰元勛又曰汪厚齋藏書民部尚書郎汪士鐘印
蓋汪閬源舊藏每半葉十行行十七字其鈔撮不分
類但按卷次摘句摘段錄之 此書藏書志有之謂是
元刻天祿琳瑯以爲周
益公
著

文苑英華口 孝宗皇帝閱文苑英華周益公直玉
堂夜 宣對 上謂祕閣本太舛錯再三命精雝十
卷以進一日侍公酒公以無佳本爲言因白架中有
此書間嘗用諸集是正頗改定十之二三公驚喜曰
英華本世所無况集耶迺盡笈去復以雝整者畀予
研訂書奏 御不爲無分毫助也後以本傳之廬陵
手書寄來急讀一遍因取其可必用者僅爲帙四又
以奉公復荅曰書千卷鮮克展盡顧乃獵之精舉之
確耶不減小洪公史語也初予官越洪公方在郡日
日陪棣華堂書研頗及史語公曰不過觀書寓筆示

不苟於觀耳予曰類書帙多字繁非惟不能盡記蓋亦未嘗盡見古人是以前撮取之功然迺切於自用非爲他人設也洪公擊節曰此正余意鈔亦出是歟治使史公來訪越墅因從容硯寮見鈔本曰鈎玄摘奇便於後學者也書成索甚力第二書報已稟第三書寄稟本令作鈔序迺誦益公洪公語以謝好雅嘉定十六年三月七日高似孫續古識

文苑英華後序 予少讀文苑英華困於浩瀚不能盡究後得鄉先生高公手鈔文苑纂要四集計八十四卷復又撰十卷辨證考異凡古今名賢諸作有一

聯一句至奇至妙者必博采無遺予讀之神馳心醉奇哉是書也世道不古讀書之道廢挾兔園冊者非惟莫之見恐莫之間文運天開車書混同 聖天子下詔求經明行修之士試六經古賦詔誥章表以觀其所學試時務策以觀其所能士之懷才抱器者莫不爲之鳶飛魚躍崇儒重道之風古之菁莪不是過矣習科目者孰精於此書鏖戰文場寸晷之下能使朱衣人暗點頭則題雁塔縮銅章特拾芥耳文苑一書當必遇賞音余老不能文姑述其略以贅高先生手鈔之後云延祐甲寅冬後一日青山趙彤序

此序係摹

寫草書
補者

萬寶詩山三十八卷

宋巾箱本

每卷題首云選編省監新奇萬寶詩山卷之幾書林
葉氏廣勤堂新葉悉取宋代省監所試五言六韻詩
分類編錄如今坊間褻珍試律大觀之比每卷約五
十葉葉三十行行二十三字三行一詩約四百六七
十首合三十八卷計之約詩萬六千餘首宋人帖體
亦收羅殆盡矣其板廣五寸許高三寸半細行密字
寫刻亦精惜不載作者姓名遂無資于攷核徒成菟
園冊子而已首唯有田耕堂藏一印知藏書家所不

尚然四庫未著錄不能不以爲祕函也

萬寶詩山敘

天下之寶多矣夫有天下者以道德

爲寶有國家者以政事爲寶文學之士所寶經書豪
富之家所寶珠玉仁親以爲寶惟善以爲寶不貪以
爲寶此仁人賢士之寶也若夫吟詠風月繪畫煙雲
摛章摘句以詩賦爲寶此亦皆本夫性情之正而達
于政事之體也蓋詩自虞廷賡歌以至周召雅頌之
什皆古聖賢制作以淑人心而垂教法雖閭巷俚俗
之謠聖人亦有取焉三百篇以降作者非一宋以詞
賦科取士故有省監之詩而文人才子業于是者未

免淘金揀玉以用其心詞語之華篇章之粹真希世之寶也書林三峯葉景達氏掇拾類聚繡梓以傳于世目之曰萬寶詩山俾後學者有所矜式其用心亦弘矣梓成攜以示余因屬余敘余惟夫子有言曰小子何莫學夫詩詩可以興可以觀至於事父事君多識鳥獸草木之名則士君子誠意正心之要進德修業之方與夫薦郊廟格神人以鳴國家之盛者皆由詩而致務學之士其可忽諸余不敏特以此敘其概云□□□□雍作噩歲重九日蒲陽余性初序

宋元舊本書經眼錄卷一終

遵義趙松篠蓉校字

宋元舊本書經眼錄卷第二

獨山莫友芝子偲

書傳輯錄纂疏六卷書序一卷

元本

元董鼎撰至大戊申十二月自序延祐戊午其子真卿于閩坊刊行其綱領末後半葉有篆文二行木記云建安余氏勤有堂刊每半葉十行行大字二十小二十四字體書式絕似十行本諸經疏卷首下端有紅山埜逸印卷末有秀水朱氏潛采堂圖書印埜逸未詳唯知爲曝書亭舊藏今歸豐順丁氏全書首尾皆朱筆句讀註及輯纂綱要處朱墨抹時增引考證

或出己意細書上下端幾遍頗多發明於本書之外
特不以古文爲僞當是 國初經生讀本明人尚無
此沈潛愔不知誰某目同治丁卯冬至獲觀記

詩集傳附錄纂疏二十卷詩序辨說附錄纂疏一卷元刊本

新安胡一桂撰此書 四庫全書未箸錄每葉二十
二行每行大字二十小字雙行則二十四前有泰定
第四禩疆圉單闕歲長至穀旦乙丑從事郎邵武路
總管府經歷致仕盱江揭祐民從年父序云書于建
東陽翠巖劉氏家塾謂胡氏撰集大成歿身乃已後

十餘年得劉氏

君佐

迺朱子故友劉用之後人不忍

以用朱子之學者堙鬱不售亟鐸諸梓 有十五國

都地理圖一葉附錄纂疏姓氏二葉語錄輯要五葉

後有篆文爲二行木記云泰定丁卯仲冬翠巖精舍

新刊詩傳綱領七葉篇目後有行書七行木記云文

場取士詩以朱子集傳爲主明經也新安胡氏編入

附錄纂疏羽翼朱傳也增以浚儀王內翰韓魯齋三

家詩攷求無遺也今以詩攷謹鐸諸梓附于集傳之

後合而行之學詩之士潛心披玩蜚英聲于場屋間

者當自此得之岿泰定丁卯日長至後學建安劉君

佐謹識 同治丙寅六月在上海宜興周濂珂滄清

持以相示有守璧齋藏書計光炘印曦白父新安汪氏啟淑信印秀水計光炘曦白氏匏如珍藏書籍私印冷音閣古射襄城計光炘曦伯之章間川計氏曦伯所藏諸印據其木記尙附有王伯厚詩攷而此失之

禮經會元四卷 元本

結銜云宋龍圖閣學士光祿大夫贈開府儀同三司南陽郡開國公會邑二千一百戶食實封一百戶諡文康葉時著一作行一首載至正二十六年丙午臨海陳

基序及至正乙巳中秋江浙行省右丞兼同知行樞密院事海陵潘元明仲遠序次竹埜先生傳傳尾有至正二十五年八月六世孫江浙等處儒學副提舉葉廣居識蓋元明從廣居得本所重刊也每半葉十

禮記纂言 元本 上海瞿氏藏

一行行二十四字篇中具刻點抹蓋仍宋刻之舊今通志堂刊本乃盡去之非也卷目有葛驄之印卷一有孫星衍印

而曲禮檀弓雜記之上下皆合為一篇于是鄭注之四十九篇者僅有三十六篇每半葉十行行二十字經文分節頂格寫注文雙行低一字行僅十九字

音注全文春秋括例始末左傳句讀直解七十卷元本嘉

與唐氏藏

宋林堯叟注元坊翻宋版猶缺宋諱一二卷半葉十

二行行二十一至二十四字不等雙行同三卷以下十

三十四行不等行二十四五字不等其經文某公某

侯旁注謚法間有旁注音義亦有不旁注者皆坊間

所為

春秋胡氏傳纂疏三十卷

元本

元汪克寬撰每半葉十行行二十一字傳低一格有

至正戊寅汪澤民至正辛巳虞集兩序至正戊子刊

于建安跋云國英曩從環谷先生受讀春秋于郡齋

先生手編胡氏傳纂疏雖壹以胡氏為主而凡三傳

注疏之要語暨諸儒傳注之精義悉附著之且胡傳

博極羣經子史非博洽者不能知其援據之所自與

音讀之所當先生詳究精考一一附注於是讀是經

者不惟足以知胡氏作傳之意而且溯流尋源亦可

知聖人作經之大旨矣書甫成編國英宦遊四方越

十五年始覩同志鈔謄善本而建安劉君叔簡將錢諸梓以廣其傳則不惟諸生獲春秋經學之階梯而凡學者開卷之餘不待旁通遠證事義咸在是則先生纂疏之述有切於遺經而有助於後學豈曰小補之哉至正八年歲在戊子正月人日紫陽吳國英再拜書克寬至明初猶被徵此箸已先刻二十餘年通志堂刊經解未及此書而傳本尚不乏乙丑丙寅于滬上各見一本今又見丁禹生氏此本而三矣紙墨則此本為差勝

說文解字補義十一卷

元本 觀元於光緒五年在京師得見鈔本惜未買成

元包希魯撰卷首有夢日精廬藏書彙賢閣天水郡氏收藏一印蓋即昭文張金吾舊藏夢日精廬藏書志論之甚詳今歸上海郁氏宜稼堂此書 四庫未箸錄嘉慶中阮氏從至正刊本影鈔進呈

元禮部韻畧五卷

元本 豐順丁氏藏 光緒六年冬寓生中丞錄副見貽惜遺本不

每葉二十六行五卷末有大德丙午重刊新本平水中和軒王宅印二行木記二百六部與陰氏韻同而唐廣韻所注同用之韻皆依次而編于部首字上加魚尾形為隔勝于陰韻前載有貢舉三試程一曰御名廟諱迴避二曰考試程式三曰試期四曰章表迴避字

樣亦可見當時制度又有壬子新增分毫點畫正誤字五葉

史記集解附索隱一百三十一卷 元中統本

海甯查氏藏半葉十四行行二十五字注雙行字同
再有中統二年董浦序謂平陽道參幕段君子成求
到索隱善本募工刊行則刊者段氏也是年當宋理
宗景定二年尚稱蒙古未有元號或覆刊或易其行
皆遠不及惜印遲不能完好百

漢書 金元間刊本 湘鄉曾氏藏

宋胃監漢書始淳化五年孫何張泌等校定本次景

德二年刁衍晁迥等覆校本次景祐二年余靖王洙
重校定本次熙甯二年刊進嘉祐中陳繹重校歐陽
修看詳本次宣和六年重修本次紹興二十一年重
刊本今惟景祐紹興二本尚著錄于舊藏家大率每
葉二十行行大字十九注字二十五至二十七不
等此本行字悉同 惟古今人表序十八行人表自第
三葉至末皆三十行傳中注有擠
補至行并七字者蓋
其人失記非有異也其列傳第二十九之後九葉及
他卷闕一二葉者悉影乾道三年刊本補之其行字
亦同大抵皆出景祐紹興二本乾道本版心下端有
乾道三年隸書白文五字其寫刻人名悉此本中所

有愈知景祐紹興爲同祖惟于乾道五字處盡百卷皆剗補其卷首無中書牒及屢次校詳官銜及小顏敘例注家爵里余靖上言一並泯棄意其間有刊版年月必非宋時而售者必欲充北宋刊泯其跡耳按宋以後刊漢書有元大德九年太平路本此本本紀第三一葉版心有大德八年補刊六字則當爲大德以再刊且北宋諱避闕至欽宗之桓南宋諱自構慎皆不闕知非南宋乾道慶元及川吉越湖北諸本賈人勞心作拙以冒北宋卽由于此然審其字體板式已是宋末元初不精之刻蓋金元間以紹興本翻雕

而大德修補之本其刻手善少劣多故不能精好奪目慶日精廬藏書志記宋刊元修本板心有記大德至大延祐元統補刊者其行字同友芝又見豐順丁氏收黃丕烈舊藏景祐殘帙足以宋刊元修若干卷者亦有大德至大諸補板行字亦同紙墨字體約畧相似則此爲金元間刻益無可疑同治戊辰開正湘鄉相公示舊藏袁漱六贈本命檢勘審定謹據所見疏諸卷端班書舊刻不易觀卽金元間本決勝明以來諸傳刻固不必虛擬景祐紹興以爲珍重也上九日戊午金陵三山客舍獨山莫友芝書

三國志注

元本 上海瞿氏藏

半葉十行行二十九字注二十一二三字不等惜補換過半

宋史

元至正江浙行中書省官本

每葉二十行行二十字其中縫一行中截大書分卷云宋史目錄幾宋史本紀幾志幾列傳幾上截右旁書通卷云宋史幾或幾十幾百左旁計一葉字數下截卷葉數之下右旁云某某寫左旁云某某刊

宋史以至正五年十月表進即于六年□月咨浙江等處行中書省差史官翰林應奉張翥馳驛賚淨藁

完

資治通鑑

元興文署本

元興文署刊本資治通鑑胡注二百九十四卷裝九十六册出于泰州某家同治乙丑夏余曾議購未就越庚午秋購成矣舍弟以其點抹乖刺促還之尋爲江安傅麗生通守所收是刻字體多波折四邊線極粗嘉慶間鄱陽仿刻亦稱善本而未能畢似也明正嘉以來是板歸南監遞有修補此本則元末板未漫

漉時印雖丹墨礙目其質地實極精美余折閱後猶時時往來于懷麗生畧去外礙且增直以售亦可謂能鑒真者矣據印記跋尾知經藏曹氏倦圃馬氏小玲瓏山館趙氏亦有生齋餘不悉錄身之注此書原附釋文辨誤十二卷鄱陽覆本有之而此未備然溫公本書固完然無少闕五百年來萬葉鉅編能爾者復幾見哉冬十一月既望麗生將持還蜀屬獨山莫友芝書其端

資治通鑑綱目四十九卷

元本

每半葉十行行大十六字小二十二字遇宋諱或缺

或不缺蓋元覆宋板也其結行字體極似震澤王氏所刊史記善印亦佳本不易得者是書自明正德福州刊七家注攬入書法攷異發明質實諸閒文甚爲礙目宋元人本猶無之故已可貴閩門市出惜闕後半

續宋編年資治通鑑十八卷

舊本

上海徐氏藏

宋李燾進四庫著在存目半葉十五行行二十四字寫刻整滿是宋元密行善者卷目之末有雲衢張氏鼎新刊行二本記

金陵新志十五卷

元本

至正癸未張鉉撰本鉉書 文淵閣箸錄此本郁氏

宜稼堂藏板多漫漶

音注文中子十卷

監本

嘉興唐氏藏

十三行二十三字與老子同蓋元人刊六子之二也

管子注二十四卷

元本

每半葉九行行二十字王惕甫芭孫舊藏中朱筆校過首題識云芸臺先生至杭停泊胥江過鷗波舫因出管子一書相贈後同年黃蕘圃見之定是元板市中不可多得因重裝之鐵夫記今歸豐順丁氏

圖解校正地理新書十五卷

金本

宋初因唐呂才陰陽書中之地理八篇分類增輯為乾坤寶典景祐初又命修正舛鑿別成三十五篇賜名地理新書皇祐三年復詔王洙等句管刪修事具洙進書序金世宗大定甲辰宋高宗十一年平陽畢履道為圖解章宗明昌壬子宋紹熙三年古戴鄙夫張謙復為精校補完以行此本殆即謙所刻也每半葉十七行行三十字王洙詳註則十三行行二十六字每冊首有曾藏汪閬原家印知為汪士鐘舊藏今歸丁禹生方伯丁卯十一月朔日觀首冊末有田耕堂藏士禮居藏二印

辨位以求其宜本三王之法也在周禮有建邦國都鄙之法以水地土圭表槲規日景以極星正朝夕是也秦漢已降術學蠱起占家有五行堪輿建除叢辰太一諸學世多習者其書浸廣大宋總一海內天覆地載別聖愛民之心疚然深思農田耕墾風雨祈禱皆著勅法若醫藥鍼石不得其宜則天殤所繇生也論次爲書博士諷誦與令格勅書藏于天下又若占冢之說冠昏行人丘封葬斂日時吉凶不得其法則人逢百殃聖人之心將欲納民于富壽其亦有取於斯也唐貞觀中太常博士呂才奉詔撰陰陽書五十

篇其八篇地理也至先朝更命司天監史序等分門總輯爲乾坤寶典四百五十篇其三十篇地理也書旣成高麗國王上表請于有司詔給以寫本然序之書叢雜猥近無所歸詣學者挾其譌謬凡三千五百景祐初司天監丞王承用又指摘闕誤一千九百始詔太子中允集賢校理稽顙冬官正張遜太卜署令秦弁與承用覆校同異五年而畢詔付太常命司天少監楊惟德與二宅官三十七人詳其可否惟德洎遜斟酌新曆修正舛鑿別成三十五篇賜名地理新書復詔鈎覈重複至皇祐三年集賢校理曾公定領

宋地理新書序 翰林院侍讀學士朝散大夫尚書
吏部郎中充史館修撰判國子監提舉集禧觀事上
騎都尉賜紫金魚袋臣王洙等奉 勅管句刪修
臣聞聖人包慮民之心其制器大備其示法詳密使
民日去不善居而蕃息者也父母之於子推燥溼以
養之又教以水溺火焚矛戟虎豹蛇蠆之能害人者
丁甯反復然後知而避之人識父母之於己生而養
之者也不識安而全之者父母之教也人之於父母
知其大而遺其細知擇福而不知避害聖人者爲之
宮室耒耜書契舟楫弧矢網罟曰杵重門皆所以興

利毆害慮及萬世當是時庶工百執事黽勉于下泣
官以智獻功以時爲之者百官也成之者聖人也易
曰通其變使民不倦神而化之使民宜之聖人爲民
父母制器示法既備且悉周於無窮昔公劉居豳太
王居漆沮文王居岐陽武王居鎬代皆相其吉凶然
後居之在詩曰篤公劉既景乃岡相其陰陽古公亶
父聿來胥宇爰契我龜度其鮮原居岐之陽在渭之
將考卜惟王宅是鎬京惟龜正之武王成之及周公
營新邑亦使太保召公先卜宅獻圖兆商相傳說曰
明王奉若天道建邦設都然則建邦都營邑屋面方

辨位以求其宜本三王之法也在周禮有建邦國都鄙之法以水地土圭表藝規日景以極星正朝夕是也秦漢已降術學蠱起占家有五行堪輿建除叢辰太一諸學世多習者其書浸廣大宋總一海內天覆地載剝聖愛民之心疚然深思農田耕墾風雨祈禱皆著勅法若醫藥鍼石不得其宜則天殤所繇生也論次爲書博士諷誦與令格勅書藏于天下又若占家之說冠昏行人丘封葬斂日時吉凶不得其法則人逢百殃聖人之心將欲納民于富壽其亦有取於斯也唐貞觀中太常博士呂才奉詔撰陰陽書五十

篇其八篇地理也至先朝更命司天監史序等分門總輯爲乾坤寶典四百五十篇其三十篇地理也書旣成高麗國王上表請于有司詔給以寫本然序之書叢雜猥近無所歸詣學者挾其譌謬凡三千五百景祐初司天監丞王承用又指摘闕誤一千九百始詔太子中允集賢校理稽顙冬官正張遜太卜署令秦弁與承用覆校同異五年而畢詔付太常命司天少監楊惟德與二宅官三十七人詳其可否惟德洎遜斟酌新曆修正舛鑿別成三十五篇賜名地理新書復詔鈎覈重複至皇祐三年集賢校理曾公定領

其事奏以淺漉疏畧無益於世有詔臣洙臣禹錫臣
羲叟洎公定置局刪修以司天監主簿亢翼改正其
舊觀文殿學士丁度典領焉度薨臣洙寔掌其屬於
是具閱三觀所藏及古今古術驗忌披其奧突詰其
苞柢管以體要區以輕重而各從攤部先後可尋自
呂才成書名以地理而專記冢墓頗殺以室舍吉凶
同條非著書之法今首以城邑營壘寺署郵傳市宅
衢街則左陰右陽刑禍福德所相也辨之以四方敘
之以五行商之以五姓憲之以九星媿之以八卦參
之以八變爲地事凡二十篇終以冢穴埏道門陌頃

畝則開三閉九山壘水泉所相也任之以八將齊之
以六對董之以三鑑僚之以六道爲葬事凡十篇若
乃岡原利害則繪之以易民用爲地圖一篇種次有
彙則總之以便看讀爲目錄一篇勒成三十二篇闔
之以經義辨鑿空也質之以史傳信休咎也廣之以
異聞求成敗也巫史所傳則存其可據者不顯新見
也辭質而易曉便于俗也皇帝陛下以聖人制作之
德廣祖宗愛民之心將使斯民去天傷刑害而遠不
善則茲書之所以作也自有詔校正距今二十一年
臣洙等以庸淺而黽勉于下曠日彌月然後能就若

乃成而名之皆陛下也四夷有求於中國觀其書則文而不俚將以見冊府藏書之盛其下則惠逮漏泉宅兆以時聖人之仁如此惟文武受命世世忠厚詩人美之曰敦彼行葦牛羊勿踐履謂草木微者猶能愛之况于人乎故卜世三十享國過歷若然大宋之仁溥博上下則愛民之報祚以萬年天之道也謹序金圖解校正記地理新書序 宅葬者養生送死之大事也自司馬史分陰陽家流至唐迄宋屢詔儒臣典領司天監屬出祕閣之藏訪草澤之術胥參同異校覈是非取合於理而裁祥有稽者畱編太常卽今

之頒行地理新書是也俾世遵用以裨政治保生民躋於壽域惠亾者安于下泉示愛民廣博之道不其躔與兵火之後失厥監本於是俗所傳者甚有譌謬至於辭畧而理乖名存而實革旣寢差誤觸犯凶災僕深患斯文之弊遂質諸師說訪求善本參較以正之者僅千餘字添補遺闕者幾十數處兼有度刻步尺之差者則以算法考而改之有陰陽加臨之誤者則以成式推而定之至若四方正位詳說其準繩表臬求影星取中之法四折曲路細畫其角斜正方合向股入穴之圖山水劉其吉凶祭事分於壇墠發揮

者踵門而採擇焉庶亦知余攻業之不忽也時大定歲在闕逢執徐平陽畢履道題

金精加校正補完地理新書序 僕叨習地理忝慕

陰陽雖專述二宅而取則於此書伏覩古唐夷門蒲阪等處再後印賣新書未嘗有不過目收購者終莫能見其完本唯我先師馮公傳授亦遺地圖一篇繼有平陽畢先生者畱心攷覈可無微失而又增加圖解等法度真得其旨趣矣自是更訪求名士家藏善本比對差互甚多今據從來板內遺闕者竝以補完

元差互者校讎改正一兩疑未詳者乃各存之及其間寫雕錯誤亦以校定其卷首四方定位之法圖解已是詳備竊見營造取正定平製度亦可爲式外五姓聲同而虛實音異者今以纂出地下明鑑立成傍通三鑑六道繼敘輪圖又校正禽文步分及民庶合用塋田參定傳符雜忌等述兼論呂才言宅葬經書之弊各布別本篇之下總二萬餘言以廣異聞僕恐未能專擅遂誠心修集以俟同道之能者幸改易焉庶幾我輩易爲遵用審觀此書之興也始自唐代呂才刪定名以地理至于宋朝注歷數主重複詔下有

司始終幾有百年方以定用頒行于世今野俗之流而有專執星水之法或只習一家偏見之文又有不經隨代進用頒行傍門小說不相之語或與官書相害者執而行之兼有不能與五姓參用而專排斥五音姓利良可臯哉僕今見平陽數家印賣此書雖有益於世竟未見完者恐久墜斯文莫能從善不敢欺隱遂將正文插入又附以亂談舛駁之辭短拙不揆尤甚輒以俗言紀其事迹皆明昌壬子歲古戴鄙夫張謙謹啟

書法鈞玄四卷

元本

元朱方蘇子啟纂輯 四庫存其目明趙宦光寒山精舍藏本豐順丁禹生氏所收卷中批抹多用草篆四卷末記一行云萬歷壬子仲春二日胡蜨復閣皆凡夫手蹟也一卷首冊有印曰梁鴻墓下凡夫寒山當去鴻墓不遠聞昔梁方伯治吳訪求鴻墓未得禹公曷不依寒山舊址一更尋之

考古圖十卷

元大德本

宋呂大臨撰首載元祐七年呂大臨考古圖記次載大德己亥古迂陳才子謹題及茶陵陳翼子翼備識後又有記八行謂宋儒正字呂輿叔先圖古器物竝

錄其銘篆彙為十卷云云其所記之人及年月蓋在後葉失之其每卷題後竝署默齋羅更翁考訂則陳子謹題所謂汲郡呂公彙諸大家所藏尊白敦孟之屬繪為鉅編兵後多磨滅吾弟翼備又廣呂公好古素志屬羅兄更翁臨本且更翁刻以傳世并采諸老辨證附左方是不盡呂氏原本矣特有鹿巖山人一印卷首有二鹵主人二十一歲小像嚴可均題篆像後有倪稻孫題二鹵不知即稻孫否

困學紀聞二十卷

元本

嘉興唐氏藏

宋王應麟撰前載牟應龍袁桷二序蓋即桷序所謂

馬速忽孫楫濟川所刊本半葉十行行十八字又于坊間見一本亦同此

事文類聚

元本

每半葉十四行行二十八字

玉海二百卷附列諸種俱備

元至元刻本

觀元版有此書乃刻下齋舊藏

行款與今通行本同特板心稍大字體秀勁近趙吳興首有胡助李桓阿殷圖堃堂王介四序及至正三年慶元路刊行文牒及薛元德後序又有伯厚之孫厚孫識語在伯厚題跋後謂其先祖且謂未脫彙難以示學者故藏于家云云浙東都事年公始建議板

行今元帥資德公既至即命刊布又刊詩攷詩地理攷漢藝文志攷通鑑地理通釋集解踐阼篇補注急就篇王會篇漢制攷小學紺珠姓氏篇六經天文編康成易注通鑑答問諸書厚孫等承命校勘唯謹而董役者弗為修改遺誤具在觀者審焉至元六年庚辰四月一日卷首有張寬德宏之印張任文芳之印玉峯張氏世恩堂圖書徐氏家藏曾在汪閬源家郁

松年印泰峯七印

別子張注

元本

上海瞿氏藏

每半葉十二行行二十六字蓋亦元人彙刻六子本

之一有愛日精廬藏書季振宜印滄葦廣鈞平子吾

生甲申數印

宛陵先生文集六十卷

元本

宋梅堯臣撰每半葉十行行十九字有葉氏棗竹堂

藏書九華山人繡佛齋諸印

東萊呂大史文集十五卷外集五卷

元本

半葉十行行二十字

劉靜修先生文集三十二卷

元本

金劉因撰每半葉十三行行二十字

道園學古錄五十卷

元本

上海瞿氏藏 觀元版有此書

每半葉十三行行二十四字絕似柳文音義

伯生詩續編三卷 元本

吳門黃氏士禮居舊藏今歸海甯查氏目錄首行題

伯生詩續編其每卷端又題云伯生詩後半葉十行

行十五字行書甚精雅 目錄後題四行云是集乃學

意敬刻梓與騷壇共之時至元後庚辰劉氏日新堂

謹識後有嘉慶丁卯十二月黃蕘圃跋云道園所

製詩文極多道園類稟道園學古錄道園遺稟翰林

珠玉伯生詩續編共有五種勤見者尤在後三種三

種尤在後一種此元刊伯生詩續編三卷余與殘宋

刻白氏文集得諸顧五癡家藏篋中久矣頃五癡族

人出舊殘本求售係棉紙此係竹紙上卷為四七七

言古詩二十五首中卷為七言八句四十五首 詩律

同言下卷七言絕句五十三首五言八句十三首五言

絕句十三首以類稟校上卷僅家兄孟修還江南一

首有之 類稟題云家兄孟計他體當稱是稟中遺逸

之篇殆過于十九又以學古錄證之亦多不載按後

至元庚辰道園六十九歲是年冬臨川李本伯宗黃

鐘仲律來訪先生于山中編文二百餘篇明年本伯

宗乃與先生幼子翁師編學古錄後六年為至正丙

戌先生年七十五劉伯溫編刊道園類稟歐陽圭齋

序之竝在刊此集後不知遺篇何以不收豈刻者自

有編刻而以此續之今亦不可考絕無傳本後先生
 從孫堪編遺稟于此刻不知盡收否惜不得其本一
 證之後附葉氏四愛堂序詠一卷首伯生序次吳全
 節馬祖常高履亨夏文詠詩各一首歐陽玄詩五首
 揭奚斯王倫徒謝君與王士點詩各一首末為伯生
 餞梅野詩序并七絕一首四愛者淵明菊茂叔蓮和
 靖梅魯直蘭也江東葉凱翁以宋遺士詹府僉程國
 錄為其先人成甫所著四愛堂詩文卷來京師求題
 詠梅野亦凱翁號也豈此刻自葉氏歟

樂府詩集

元本

宋郭茂倩編絳雲樓舊藏半葉十一行行二十字

中州集

元本

滬肆

金元好問編半葉十五行行二十八字印亦中等

周易集解

明嘉靖本

明宗室朱睦㮮灌父所刻有嘉靖丁巳冬刻書序及
 上海潘恩序半葉八行行十八字注皆低一格大書
 甚醒目朱序謂刻自宋季希有存者予得之李中麓
 復用校梓以傳鼎祚資州人仕唐為祕閣學士以經
 學稱於時嘗進平胡論預察胡人叛亾日時無毫髮
 爽象數精深蓋如此及閱唐劉傳與蜀志俱不見其

人豈遺之耶抑別有所載耶

朱序

周易本義

大字注本

蓋元末明初刻曝書亭舊藏今歸錢塘丁氏其經翼次第一依朱子而以呂氏古易音訓雙行隨條散附經下昔宋小茗咸熙從董氏會通中摘出音訓以行此本所載尤完整惜其未之見也卷首有漢唐齋游好在六經吳輿則氏紅藥山房收藏私印玉堂笏齋六印

朱檢討跋云朱子易本義析爲十二卷以存漢志篇目之舊較之程子易傳依王輔嗣本原不相同惟因

臨海董氏楷輯周易傳義附錄一書乃強合之移易本義次序以就程傳明初兼用以取士故不復分其後習舉子業者專主本義漸置程傳不講於是鄉貢進士吳人成矩叔度署奉化儒學教諭削去程傳乃不從本義原本更正其義則朱子之辭其文則仍依程傳次序此何說哉沿至於今科舉試題爰象竝發其亦悖乎朱子之旨矣余嘗求原書不可得今觀此秩然不紊中附東萊呂氏音訓末有朱子後序是爲完書宜亟開雕頒諸學官第恐下士見之翻大笑爾康熙丁亥夏六月小長蘆朱彝尊跋時年七十有九

書于家術齋之道古堂

書經纂言四卷

明本

元吳澄撰明嘉靖己酉顧應祥據正德辛巳本重刊於滇中是曝書亭舊藏通志堂即依此本付雕今歸豐順丁氏卷首有竹垞翁題識云是書購之海鹽鄭氏簡端所書猶是端簡公手蹟也會通志堂刊經苑以此畀之既而索還存之笥壬申歲歸田檢櫝中藏本半已散失幸此書僅存又七年曝書於亭南因識竹垞七十一翁卷中有竹垞朱彝尊小長蘆釣漁師諸印所謂卷端書乃評可否語數條無足取也

書傳集解

殘本未詳卷數

缺首二卷于禹貢湯誓首竝題云後學金城黃諫集解錄蔡傳低經文一格大書所集諸家及自下己意則雙行夾注半葉八行行二十四字板縱橫不及五寸而刻印精朗似元佳本汲古閣舊藏今歸錢塘丁氏按是書所引宋元諸家外及于明初陳雅言是明永樂以後人矣明史藝文志不載檢千頃堂書目有之亦無卷數自橫雲史志彙去黃氏補宋史及金元諸籍已不愜人意何明人著述亦如此疏漏耶

千頃注諫

字廷臣蘭州人正統壬戌一甲第三人歷官翰林學士

禮記集說三十卷 明本

元陳澔撰是刻蓋依元本翻雕者半葉九行行十七字一如宋人四書詩書集傳之式明永樂纂大全蓋卽依其卷數今行十卷本經文每節提行註文另行低一格雙行明人改也 四庫著錄此書亦十卷殆未見此本歟丁卯冬檢豐順丁氏藏書有此種邵亭亦於蘇肆中獲得一本

埤雅二十卷

明重刻宋本

宋陸佃撰結銜云中大夫守尚書左丞上柱國吳郡開國公賜紫金魚袋其子宰宣和七年序結銜云男

朝請郎直祕閣權發遣淮南路計度轉運副使公事借紫金魚袋半葉十二行行二十三字天運庚口八月京口張存性中序重刻緣起云埤雅書成授其子宰始序以傳之時宣和七年矣其後五世孫聲由祕閣修撰來知贛州再用刻于郡庠歷世既久悉燬于兵燹人罕得聞會奉議大夫江西按察司僉事古閩林公瑜字子潤巡按贛上訪于耆民黃維得是書欲與四方學者共太守陳大本克承公意乃命鳩工刻之其中缺簡甚多願求別本無得者復有待于後之博雅君子不敢以私智補之歸世昌印

漢書注舊本

半葉十行行二十三字刻印清整以朱墨錄徐亮直何義門兩家評校于上下端

前後漢書

明翻宋淳化本

未有淳化五年口月奉旨校刊字售者以為北宋本細核之蓋明時翻刻者其避諱皆不及南宋固北宋子本也半葉十行前每行大十九字小廿七字後行大十九字小廿五字亦竝有多少參差者四邊極粗管子無注本半葉十行行二十一字似元明間刻

農書二十二卷

明本

元王禎撰凡農桑通訣六卷穀譜四卷農器圖譜十二卷每卷題集之一集之二於目錄集之一附說云古之文字皆用竹帛建後漢始紙為疏乃成卷軸以其可以舒卷也至五代後漢明宗長興二年詔九經版行於世俱作集冊今宜改卷為集首載嘉靖庚寅臨清閣閱序蓋山東巡撫邵錫布政使顧應祥始刊而左布政使李緋成之半葉十一行行二十二字板心頗大 此書明萬曆末鄧溪刊本刪併為十卷 四庫本亦二十二卷乃依永樂大典本約用王氏元卷

第重編以聚珍板印行恐亦未能悉還其舊惜未見此本耳

野客叢書三十卷附錄一卷

仿宋本

瞿氏藏

宋長洲王楙撰小序有香竹山房藏本宗櫨詠川古鹽張氏四印目錄有松下藏書綠簞青笠邨尻二印日尾有長洲吳曜書黃周賢等刻十字雙行每卷尾皆然卷一有漁書竹堂李兆洛印二印半葉十行行

二十字

西溪叢語二卷

明嘉靖鶴鳴館刻本

宋姚寬撰張紹仁吳翌鳳遞藏丹黃殆遍

韋蘇州集十卷

明翻宋本

半葉十行行十八字卷第一

古賦雜擬燕集

卷二

寄贈上

卷三

寄贈下

卷四

別送

卷五

酬答至

酬問員外

涉止逢

卷六

懷

卷七

至道懷止行旅至山行兩歸止感歎

卷七

登眺登重玄

卷八

雜興

卷九

行歌

上卷十

歌行下

韓文考異音釋

觀元夜有此書

宋朱子考異王伯大音釋合編本凡四十卷目錄一

卷外集一卷

合十卷為一

遺文一卷附錄集傳一卷半葉

十三行行二十七字海甯查氏藏以為宋刊然無憑

據觀其款式字體當是明初刊本

雲臺編 明本

唐鄭谷撰嚴嵩序後有康熙辛卯何義門題字又有葉氏藏書一印

迂齋先生崇古文訣

元明間覆宋板半葉九行行十九字有沈瀚世貞允明諸印王弇州題籤猶存

宋元舊本書經眼錄卷二終

遵義趙松篠蓉校字

宋元舊本書經眼錄卷第三

獨山莫友芝子偲

易學五十卷

明卓爾康撰爾康仁和人字去病萬曆壬子舉于鄉授祥符教諭歷工部員外郎左遷常州府簡校徙大同府推官總督盧象昇常引參謀軍事移兩淮分司運判為淮人請賑激切觸忌罷歸事蹟具縣志儒林傳明史藝文志卓爾康易學全書五十卷 四庫提要存目僅有爾康易學殘本十二卷蓋乾隆中採進已無全本此本吳騫拜經樓所藏舊鈔全帙其說卦

傳二卷獨存刊本首葉及板心計卷處猶畱空木未刊蓋付鋟始此兩卷丁明末之亂遂未及完耳其書條引眾說而附以己說亦有眾說其而已無說者所引注疏集解傳義之外于明蔡虛齋何元子兩家最多蓋義理主虛齋古義依元子也其他徵引就乾坤二卦有劉濬伯管登之來之德鄒黍回于令升項安世呂伯恭劉濂季明德章本清馬理黃端伯歐陽永叔郝仲輿鄧元錫陸庸成林黃中象鈔九家易邱建安趙汝楨張彥陵焦弱侯唐凝菴姚承菴楊止菴俞玉潤俞玉吾高景逸鄒泗山邵氏李隆山蘇子瞻吳

叔美呂叔簡邵子張橫渠李子思易簡錄楊止菴楊誠齋測言周顒虞翻易徵吳因之鄧汝極周天如陸績決錄乾鑿度潛解蔡氏易筌雪浪金汝白游定夫像象陸庸成方孟旋顏充宇胡雙湖李隆山王伯厚蘇紫溪程竹山孫聞斯吳臨川徐幾若干家又有稱鳴缶氏曰者數條不知其亦爾康說抑他人說也

周易觀象補義略寫本

國朝諸錦撰錦字襄七號草廬秀水人雍正甲辰進士庶吉士改知縣又改教授乾隆丙辰召試鴻臚授翰林檢討官至右春坊右贊善其毛詩說補饗禮

等并 四庫箸錄而未及是書是書集諸儒之說而
斷以己意末題子壻范成編次嘉慶末未人戴光曾
得此四冊清本于吳中其提綱一卷及下經自姤初
一下至雜卦皆其手書尤可寶貴今歸海甯查氏

禮經本義十七卷

寫本

國朝梁溪蔡德晉敬齋輯以十七篇分嘉賓軍凶吉
為次軍仍凡十六卷第十七卷則逸禮諸篇而自為
輯注其本經僅十六卷者無喪服一篇也

爾雅新義

寫本

宋陸佃撰此書 四庫未箸錄

龍龕手鑑四卷

影鈔本 上海瞿氏藏

遼釋行均撰其卷題云龍龕手鑑平聲卷第一釋行
均字廣濟集首載統和十五年丁酉七月燕臺憫忠
寺僧沙門智光序遼聖宗統和丁酉當宋太宗至道
二年其所據影之本甚大蓋似明刻金人五音集韻
篇海每半葉十行行容大字十八容小字雙行可三
十六其當摺縫上角多缺字

吉金古文釋

稿本

此跋拾補

朱右甫先生吉金古文釋四冊其詰嗣建卿同歲以
先生手稿裝存者也按阮太傅文達公萃一時同好

十二家古金搨本益所自藏搨集爲一書以續薛尚功書後爲積古齋鐘鼎彝器款識右甫先生卽十二家之一文達又謂右甫酷嗜古金文字以各搨本屬之編釋訂成十卷是款識屬稿皆出先生文達特審定而已其一冊有阮氏編錄卷一書題及文達公改定字與朱筆改題書面一冊亦有改定增益一冊器後跋多補填元字是三冊蓋卽編款識時初稿其一冊首有先生癸亥仲秋自記謂手摹積古齋藏揚州江秋史侍御所摹三十六種詮釋題己名是本先生自箸中間亦有數條塗去己名改定蓋後編款識擬

搨入者此更其先河也同治戊辰開正建卿從子竹石郡丞過金陵持示謂其從伯裝存時乃從故紙搜出散逸已三之二蓋將援文達以歐陽集古錄手稿騰葉刻石之例存什一而未就今得竹石斤斤奉持不敢失墜知必能竟其緒以張家學以快海內好古之先睹也豈不懿哉五月戊寅長至獨山年家子莫友芝謹識于吳門書局

通鑑紀事本末補後編五十卷

稿本

國朝仁和張星曜撰以袁氏本末未有專紀崇信釋老之亂國亾家爲篇者乃雜引正史所載附以稗官

雜記及諸儒明辨之語條分類集以為此書其紀歷

代佛氏之亂曰歷代君臣奉佛之禍卷四曰佛教事理

之謬卷十曰佛徒縱惡之禍卷五曰儒釋異同之辨卷五曰

儒學雜禪之非卷十曰歷代聖賢君臣闢佛之正卷七紀

歷代老氏之亂曰歷代君臣求仙奉道之禍卷三曰道

教事理之謬卷二曰道士縱惡之禍卷一曰儒老異同之

辨卷二附釋曰歷代君臣聖賢闢老之正卷一學者欲

知異教流失得此總彙亦易為明晰星曜字紫臣成

書自序在康熙庚午尚未刊行此其手稿丁卯初冬

丁禹生日昌方伯新收借觀記

建康實錄二十卷 影宋鈔本

每葉二十二行行大字二十小字三十三三十四不

等二十卷尾附記云江甯府嘉祐三年十一月開造

建康實錄竝案三國志東西晉書并南北史校勘至

嘉祐四年五月畢工凡二十卷總二十五萬七千五

百七十七字計一十策後葉前半列張庖氏錢公瑾

曾伉熊本趙真卿五人校正銜名及通判軍府彭仲

荀知軍府事梅摯銜名後半又載紹興十八年十一

月荆湖北路安撫使司重別雕印韓軫高楫王廓張

允之万俟虛趙遜周方平劉長王瑋九人銜此所據

鈔者紹興本也鈔字尚不劣蓋明末國初時物僅卷首郁泰峰己亥年所收書一印其鈔自何年何人不可攷矣

元和郡縣圖志四十卷目錄一卷舊鈔本

每半葉十六行行四十字其每卷書題竝有圖字蓋

據宋淳熙三年張幾仲名子頴帥襄陽刊本過錄有程

泰之名大淳熙二年五月序序後復有是年長至泰

之以是書付幾仲識語又有淳熙三年十一月番陽

口口口序則為幾仲刊書作按是書本有圖至宋已

亾見泰之序中書題圖字自舊近今傳本乃刪之耳

元闕卷十九之河北道四卷二十之山南道一卷二十一之山南道四卷二十四之淮南道一三五五六

嶺南道二三凡六卷

元豐九域志十卷寫本

棟亭曹氏舊藏每半葉十行行二十字蓋依宋元舊

本影鈔者字雖不工而式整雅勝今刊多矣

新定元豐九域志十卷影宋鈔本

半葉十一行行大字約十八注雙行小字行二十三

四字不等即全載王存書每州列縣之後增古蹟一

門蓋宋坊本也海甯吳騫兔牀拜經樓舊藏今歸唐

鷦安翰題有兔牀及吳枚菴二跋枚菴跋云新定九

域志十卷青芝山堂影宋鈔本復從元豐舊志校勘者首卷原闕四京以下六版又脫曹州濟陰郡半版亦從舊志鈔補竝錄入進表一篇略成完書矣新定本校舊志增多古蹟一門朱竹垞謂舊志乃經進之書此則民間流行之本未知然否慨自祝穆方輿勝覽殘山賸水僅記偏安州郡惟此與樂史寰宇記猶見全宋規模而流傳甚罕識者所當什襲而寶貴之也乾隆戊戌秋九月枚菴漫士吳翌鳳書 兔牀跋云吾家枚菴僑居吳下性喜藏書每遇祕本卽手爲傳錄蓋今之方山也王正仲九域志流傳絕少而有

古蹟者尤爲難得癸卯夏從枚菴借得因亟鈔而藏諸拜經樓槎客又朱識云壬子仲春復以錢遵王影宋鈔本及嘉興馮氏新刊本重校一過

長春真人西遊記二卷

寫本上海瞿氏藏

元李志常撰記其師邱處機西遊事于山川風土飲食衣服百果草木禽蟲之別皆資攷證研經室外集始著錄

天下郡國利病書

稿本

國朝顧炎武撰乃鈔集志乘史傳未成之稿道光間成都龍萬育得其副本刊之凡百二十卷此其元本

也同治丁卯九月客蘇城有持興化人家藏來售因獲觀之皆細行雜鈔不出一手以朱筆校改誤字其每件後時有零星小件則行書密行增入無誤字然則朱改及行書或亭林筆也未有黃丕烈跋云乾隆己酉九秋友人張秋塘以天下郡國利病書原稿示余共三十四冊曰此亭林真蹟也余畱閱至山東省見卷首葉不全書中文義亦有殘闕還之徐晤秋塘云是書是傳是樓舊物後歸顧歸王此乃得自王蓮涇家其殘闕者安知非卽亭林序所云亂後多有散佚者乎時書已歸蔣春臯余甚悔前此之不卽收也

壬子秋有五柳居書友攜是書來亟以數十金易之是書本數與蘇州府志藝文門載傳寫本三十四冊之說相合每本旁有小數一至三十四唯缺第十四本今之強分十五爲十四者定係後人僞作每本部葉標某省或某府字樣次序先後起自北直而蘇松常鎮江甯廬州安慶鳳寧徽淮徐揚河南山東山西陝西四川浙江江西湖廣福建廣東廣西雲南貴州交趾西南夷九邊四夷而止他省不分府南直獨分者亭林籍南直紀載加詳故也每本有備錄字案肇域志序有云本行不盡則注之旁旁又不盡則別爲

一集曰備錄則此書與肇域志相出入否則如利病書序所云有得卽錄共成四十餘帙一爲輿地之記一爲利病之書兩書本合而存之與至府志載是書爲一百卷而外間傳寫又分一百二十卷今觀原稿竝無卷次則分卷之說俱不足信且各省先後傳寫本不復如原稿次第卽所缺之第十四本或居十三本河南省之後而缺在河南或居十五本山東省之前而所缺在山東皆不得而知之也今十五本從新店淺云云起決非完書傳寫本山東省有起處數葉河南省亦于起處多兩葉余爲錄入其本數已分三

十四爲六十有原稿部葉別之仍可弗亂

南宋館閣錄十卷續錄十卷

寫本

宋陳騏撰此據四庫本寫者字頗圓潤

元秘書監志十一卷

寫本

元承務郎秘書監著作郎王士點承事郎秘書監著作佐郎商企翁編次此寫甚工半葉九行行十六字蓋據元本過錄

太常因革禮一百卷

寫本

宋治平二年歐陽修等撰進四庫全書佚收道光間阮文達得舊鈔本乃以進呈中間尚缺卷五十一

至六十七此依錢塘羅以智本過錄有以智跋云太常因革禮一百卷 四庫全書未著錄讀書後志收入經類題姚闢蘇洵撰按洵傳以霸州文安縣主簿與陳州項城令姚闢同編纂書方成奏未報而洵卒闢字子張金壇人少從胡安定學皇祐元年進士後官通州通判時爲太常博士嘉祐間歐陽修以禮閣新編太常新禮多遺略二書之外存于簡牘者日以殘脫奏請編纂又從祕閣校理張洄奏請六年七月己丑命闢洵專領其局修爲參政又命之提舉治平二年九月辛酉書成修與禮官李柬之呂公著宋敏

求周孟陽呂夏卿李育陳繹及闢洵等上之得賜名其書卷首題歐陽修等奉勅編故宋史藝文志但著修名紹興元年復上于劉倣詔付太常今傳鈔本僅存八十三卷多訛脫處五十一至六十七凡十七卷全闕百卷中總例二十八卷目二十有九吉禮二十三卷目三十有八嘉禮九卷目十有七軍禮三卷目六凶禮三卷目二十有五慶禮一卷目九新禮二十一卷目三十有六廟議十二卷目二十有五當日李清臣云繁簡失中訛缺不補有宋一代之禮書今鮮存者無可取證矣考開寶通禮等下逮臣庶是書惟

輿服及羣臣之制餘悉詳朝廟儀法而視學養老賜
酺諸典禮皆不載祥符元年封禪禮后土不載玉冊
玉牒文建隆元年上帝后謚號亦不載冊文后妃下
輿服畧輿而詳服指南記禮黃鉞車志輿服與鹵簿
相複信有如清臣之所譏者然以宋史志考之如皇
祐二年大亨明堂儀法通禮與明堂記互異史志依
明堂記脫每方山林川澤蜃樽各二之文汾陰記加
上五嶽帝號在祥符四年史志但書五月乙未而脫
書年禮閣新編董溫其奏霍山之祭在祥符元年王
欽若奏先蠶之祀在景德三年史志並脫書年國朝

會要和峴蜡臘之議在建隆四年史志在二年通禮
王欽若天帝權龜之奉在景德二年史志在三年太
常新禮加封四瀆在康定二年史志在元年會要皇
后之服三等一曰禕衣二曰鞠衣三曰翟衣史志后
妃之服一曰禕衣二曰朱衣三曰禮衣四曰鞠衣其
文互異會要祥符二年進封文宣王廟十哲爲公六
十二弟子爲侯其封湮城侯者爲秦祖史志脫載所
封爵號又誤書封侯者七十二弟子文獻通考不誤
而誤作祥符元年鄆城侯誤屬之秦商是書僅存尚
足以補正史志耳若劉銑纂續因革禮葛勝仲續增

三百卷此二書恐不可復得矣道光辛丑初秋錢塘羅以智跋

宋政和五禮精義注十卷 舊鈔本

題宋韋彤撰進政和三年自序覈其書乃取三禮及他經傳舊文並注類晉時附陳氏禮書之說除軍制數條偶及漢唐史事皆經義也自序直鈔歐陽永叔上太常因革禮表文翦弃首尾并與本書及書題不合攷唐有太常博士韋彤著五禮精義十卷見崇文總目謂其首載唐禮參引古義申釋其文則此書亦非彤書是此舊帙不知何人類鈔而得者妄取唐人

書名撰人屬之而更其時代真不可解也

鄭堂讀書日記 稿本

國朝烏程周中孚撰蓋嘉道間人讀一書必為解題一篇條其得失議論頗能持平亦好學深思之士也凡三十四冊約存七十卷經部編十四卷諸經皆畧具唯缺易及小學雅故字書史部二十二卷子部三十三卷尚無大缺逸集部則僅本朝二卷計八逸當十之二三不知更有副本否亂後益無從訪求矣

阮文達訂詁經精舍文集錄中孚文幾十首孫淵如次詁經精舍題名碑列中孚於講學之士劉履芬案馮登府周鄭堂明經傳字信之嘉慶辛酉舉拔萃科癸酉鄉試副榜所著有讀書記金石識小錄孝經

集解逸周書補注詞苑叢話鄭堂文錄詩錄題跋札記四庫存目增錄亭林年譜等書均未刻

舊館壇碑攷

稿本 此跋拾補

今金石家言前五代碑刻唯蕭梁一代略能指數餘蓋罕聞戊辰秋于金陵蒐獲在孫伯淵氏訪碑錄外更七八事亦是梁物擬彙為梁石記以傳之其石無存而孤搨在世有重刻若舊館壇者亦從編入已據顧湘舟刻翁叔均雙鈞本鈔儲卷中尋來吳門度歲識叔均之子次孺謂其先公于此碑用功最深據潘稼堂檢討舊藏翦表本得其行列高廣尺寸備摭宋至今言是碑者四十餘家埶以論說為舊館壇碑攷

一卷其雙鈞最後本又有李方赤邗上一刻尤矜慎因假觀得校正顧刻筆異若干字竝錄其攷一通藏影山書元本後歸之次孺講訂金石有家法他日當精書善刻若汪退谷鶴銘攷卷以惠海內好古之士亦善述之一端也同治己巳歲二月既望獨山莫友芝

太白陰經

孫淵如手校本

寶山蔣劔人敦復所藏乙丑閏五月朔日在上海借觀校今行叢書刻本可補正者甚多

校正太白陰經序 唐李筌太白陰經八卷舊存篋

中首闕天無陰陽地無險阻二篇又無諸營陳圖文字亦多脫落頃以明茅元儀所列武備志中引李筌書校補又檢通典太平御覽互加勘定第八卷雜占疑卽宋藝文志所稱占五行星度吉凶訣一卷但中興書目及鄭樵藝文略俱稱十卷唐宋志同此則合雜占止八卷或後人合併之似無闕佚矣李筌官荆南節度副使其名姓官位僅見集仙傳及神仙感遇傳世所傳陰符經或言筌得之驪山老母神仙感遇傳亦謂筌入山訪道不知所終是其人生平好怪故無政迹見於正史此書有祭毗沙門天王文亦是唐

時陋習筌所增入然其書議論純正鑿人相馬攻守之具古法猶存東都事略燕達傳達采諸葛亮李靖意成五陳法授之以教戰士卽此諸陳法也後附藥方占訣皆非筌所能臆撰者實勝于陰符經故與杜佑所引文往往符合兵家各書佚甚多周禮注所引孫子萃車之陳傳注所引太公陰符今皆不可得此卽有用之學刊以俟後人補訂焉嘉慶五年正月二十一日孫星衍序于呂蒙城舟次

素問六氣玄珠密語十六卷

舊鈔本

書中自題曰啟玄子述卽唐時注素問之王冰也宋

史藝文志載王冰素問六脈玄珠密語一卷當卽此書而氣譌脈目一卷亦有誤道藏目錄及焦竑經籍志載此書竝云十七卷此鈔當闕一卷也其書專論五運六氣因六十甲子直歲反復言之蓋以天時運轉明醫法

宋寶祐四年會天歷一卷

據宋本過錄

寶山蔣敦復所藏卷首行題云大宋寶祐四年丙辰歲會天萬年具注歷其歲德刑等及九宮及月九宮德刑等日吉凶星宜忌建除納音直宿七十二候日出入書夜時刻所注與今時憲同又每日必書人神

所在子細注下惟按節載卦氣如立春坎六四雨水坎九五及二月大夫隨卿晉公解之類爲今所無末載算造官五人結銜云寶章正統同知算造兼主管文德殿鐘鼓院荆執禮靈臺郎充同知算造揚旂靈臺郎兼主管測驗渾儀刻漏所相師堯撫授保章正充同知算造譚玉靈臺郎判太史局批點歷書鄧宗文後有朱彝尊錢大昕嘉慶八年李銳十九年沈欽裴二十五年蔡復午二十五年陳杰金望欣竝道光二十七年六月同治四年蔡蘭甫云京房人跋敦復收此書又自爲跋同治四年卦氣郎顛父子得其學最精乾象全用此法大衍推

六日七分取四正卦以定二十四氣七十二候宋時
 蓋猶仍之五百年來卦氣久置不用而今憲書尚總
 列六候于每月之前此特李氏月令之僅存者爾定
 朔之說始于劉焯李淳風始用之經朔兩大無兩小
 三大兩小皆定朔也會天書四五月皆小九十一
 月皆大是用定朔也晝夜分一在春分前五日一在
 秋分前一日長短至皆在夏至冬至前十七日是不
 但二十三氣竝冬至亦不依定氣矣陳靜菴云其平
 氣定朔七十二候六十卦氣及滅沒等事蓋悉仍其
 本朝之舊唯其晝六十刻夜四十刻在夏至前十六

日晝六十刻夜四十刻在冬至前十七日則不可解
 金嶠谷云此所注晝極長六十刻前距五十九刻十
 五日後距五十九刻三十四日極短四十刻前距四
 十一刻十四日後距四十一刻三十四日太陽有些前後不
 齊行度乎蓋鈔胥之誤蔣劍人云李四香謂朱跋歲在
 丙辰元日立春百年罕遇蓋竹垞不明推步誤信田
 家諺百餘按史家言顓頊高陽氏作歷以丙辰孟春
 正月朔旦立春五星會於天歷營室立元此宋寶祐
 四年會天歷亦歲在丙辰正月朔旦立春歷名會天
 正取此也

乾象通鑑一百卷

寫本

孫氏祠堂舊藏

續目金卷三

三

三百八十三

宋免解進士李季奉旨撰進建炎二年高宗賜序多引古占書蓋開元占經之亞也此本孫氏鈔藏于忠愍侯祠堂後歸上海郁松年道光乙巳蕉林逸史□振藩為檢史志細校以朱筆識增損其旁及上下端將刊行未果唐宋人引書取大意不失易舊文太多亦非也今歸豐順丁氏同治丁卯仲冬獲觀此書次序體例按之玉海所載景祐乾象新書御製序大概相同乾象新書為楊維德等所撰李季蓋增損以為己書今乾象新書久亾賴此以存歷代占驗

之學宋時詔太史局每月具天文風雲氣候日月交

蝕等事實封報祕書省

玉海紹興三年詔

元明不聞其事此

書正備史局檢災祥具奏而作也

玉海紹興乾象

通鑑條載紹興元年三月十八日詔乾象通鑑與舊

書參用先是御前降乾象通鑑一百卷付太史局命

依經改正譌舛

擊年錄初河間府進士李季集天

文諸書號乾象通鑑建炎四年六月癸酉命婺州給

札上之紹興元年三月甲寅詔與舊書參用自天文

官吳師彥等頗摘其譌謬

二年七月壬寅改置翰林天文府

乾象通鑑雖以紹興二年置翰林天文府其成書在

北宋時故多見古書如黃帝甘石巫咸諸占皆具於是可補開元占經之漏此書惟見玉海其目載讀書敏求記各家書目不載近始得自吳門以舊鈔本歸家仲馮翼錄存此本天文占驗與算法爲兩家之學近時誤合之幾欲廢觀象之說存之以俟知者五松居士記

按陸游老學菴筆記有前宣州通判李季善奏章爲秦會之設醮未知卽其人否嘉慶十年九月十四日孫星衍記于濟甯南池舟次

李季進乾象通鑑疏 臣季言天垂象以示吉凶聖

人觀天文以察時變其來尙矣雖示現不常所遇有數然有吉可致其凶可穰修德修刑經史所載有已試之驗歷代宗之設官分職厥有攸司秦漢之後散于亂罹書旣不備法亦罕傳閱有異人研書奧學前知禍福自爲避就世旣禁而不習書亦秘而不示行於司天者止在繩墨之中而不能推其妙藏于冊府者雖隱深微之旨而未嘗見于習學不全法不盡將訪吉凶禍福是猶索塗于瞽而問樂于瞽或幸得之一二而止耳目臣書生也早遇異人密傳奧旨研精窮思二十餘年方禁網嚴切不敢示人而天象時變臣

已逆知於十五年前矣嘗以微言咨於故丞相李邦彥前北帥王安中初不以爲然中路推其驗後大信之而事已不及矣臣謂此術微妙人不能知知於已然事實無濟於是據經籍諸家之善考古備已驗之變復以景祐新書海上秘法參列而次第之著爲成書凡一百卷目之曰乾象通鑑開帙對目而天之所示時之所變無一不在將不勞推測而吉凶禍福之兆昭然可覩然後修德于己禳變于天可以保世祚安邦家守太平實有補于聖朝臣是以不遠千里冒犬豕鋒鏑之死前赴行在而獻之畎畝之中適際陛

下龍飛恭默思治復令推之史冊將鑒往以知來於萬機之餘特賜睿覽凡見上象宜審閱之以圖修禳之方避就之地臣老歸山林雖屏跡不出將復見太平之日矣不勝幸甚建炎元年六月臣季昧死謹進高宗御製序 夫鑑者鑒也不知今者鑒于古昧於古者鑒于今朕自藩邸龍潛卽遭播越泊于濟州舉兵南下所有內府圖書半遭燬棄皇考收藏苗訓馬韶較錄諸天文祕笈皆無可紀星辰律度違錯良多非所以敬天而勤民也河閔府進士李季朕往在京邸卽識其人迨乎南都建國之初不遠千里抱其所

著之書來獻應天行在朕試以推驗其言微中有裨
 事機夫天文之學往者曾有私習之禁朕以為私習
 者特圖讖目夫圖讖之術乃公孫卿五利之流以之
 愚惑人主故國有顯禁至天文災變其事具載史乘
 其書為古今帝王之鑒又安可得而禁乎朕惟天象
 昭垂夙夜滋懼惟恐弗克修省以承上帝明威又安
 敢崇虛文以塞災變特命李季將所集古人占驗諸
 書推諸史冊以實其事如楊維德所進乾象新書之
 例萬機之暇躬親垂覽雖未能感召休和亦可以因
 變知戒殷鑒不遠後事之師特為序之以垂奕禩建

炎二年歲次戊申八月序

此序載歷代帝王文集

古今集論字學新書七卷

舊鈔本

元武夷劉惟志編集 四庫存目有惟志字學新書

摘鈔一卷而七卷之本末著於錄亦元人書待傳之

一也

此冊尾有此書摘鈔目錄後附正德癸酉豐順衡州知府通海喬瑛刊序殆是序摘本日

丁禹生氏所收

識遺十卷

舊寫本

宋羅璧子蒼撰

東坡先生物類相感志十八卷

寫本

陳鱣依知不足齋藏明嘉靖時姚咨鈔本過錄舊題

兩府僧統法戒都監選練明義宗文大師贊甯編次
四庫以其題東坡先生爲僞託僅于子部雜編中
存其目鱸則謂贊甯宋初人在蘇氏前安知不號東
坡其撰此書疏證詳明不似僞作爲跋詳之今其本
歸豐順丁氏十八卷末跋云嘉靖己亥秋假之石東
居士至庚子夏五月六日始得命館僮順昌摹之秋
八月上旬方完惜乎譌字太多安能善本爲之一校
也茶夢道人姚咨 釋贊甯物類相感志十八卷明
嘉靖時句吳姚舜咨從友人借得傳錄者眉公祕笈
所刻止半部此乃足本也攷晁昭德讀書後志作十

卷文獻通考同則此十八卷殆後人所分歟後志稱
贊甯吳人以博物稱于世柳如京徐騎省與之遊或
就質疑事楊文公歐陽文忠公亦皆知其名又王禹
偁撰通慧大師文集序云文穆王時大師聲望日隆
文學益茂時錢氏公族與大師以文義切磋浙中士
大夫以詩什倡和云云又按十國春秋贊甯本姓高
氏其先渤海人隋末徙居德清縣寶正中捨身杭州
靈隱寺爲僧已而入天台山受具足戒習四分律通
南山著述毘尼時人謂之律虎遂署監壇又爲西浙
僧統太平興國三年忠懿王入宋贊甯奉舍利真身

塔以朝太宗聞其名召對滋福殿賜紫方袍尋賜號曰通慧纂高僧傳三十卷內典集一百五十卷外學集四十九卷聽歸杭州舊寺咸平元年充右街僧錄年八十餘卒諡曰圖明大師葬龍井贊甯又著通論有駁董仲舒難王充斥顏師古證蔡邕非史通等說及筭譜物類相感志諸書按贊甯所著今惟高僧傳筭譜及物類相感志尙存然物類相感志世人多以爲僞一則流俗本不全疑爲後人摭拾一則有東坡二字疑爲後人妄託細玩全書疏證詳明有條不紊似非僞書其東坡之字或坊刻所加以博流通且安

知非贊甯亦號東坡乎其目錄結銜稱兩府僧統當是作于吳越國時未入宋以前贊甯爲吾浙名僧又出勃海高氏向藏是書係祕笈本每病其不全今從鮑氏知不足齋影摹姚氏茶夢菴舊本裝潢成冊寒總展閱眼目爲之一新因書原委于後嘉慶十五年十一月望日海甯陳鱣記

朝塾僉載十卷

據宋本寫

唐張鷟撰 四庫著錄六卷此乃十卷未審其同異半葉九行行十八字目首有笠澤曹炎之印彬侯三

印

醉翁談錄八卷

鈔本

宋從政郎新衡州錄事參軍金盈之撰 阮文達公撫浙時進呈遺書金錄事醉翁談錄是其一種然外集提要所述十五卷相傳文達裁去後三卷蓋如直齋書錄斥唐人教坊記猥褻之意今合欽所錄固不廢也已巳仲春江山劉泖生氏以手錄八卷相示漫識

靜齋至正直記四卷

舊寫本

鮑氏藏

元闕里外史行素居士著明平陵史繼裴相之父校知不足齋鮑以文藏書

席上輔談二卷

舊寫本

元俞琰玉吾著鈔字近趙書

桂苑筆耕集二十卷

寫本

唐高麗崔致遠撰致遠爲高駢淮南從事見唐志是集唐宋志皆著錄宋後遂逸不傳集中討黃巢一檄最爲傑出他亦淵雅可觀卷端題淮南入本國兼送詔書等使前都統巡官承務郎侍御史內供奉賜紫金魚袋臣崔致遠進所著雜詩賦及表奏集二十八卷則其既歸國所編上據其奏狀則年十二入中國又六年取進士居中山有詩賦等三卷調溧水尉有

中山覆瓿集五卷從事高駢軍幕有桂苑集二十卷
末署中和六年攷中和止四年蓋其歸國後尙未聞
五年三月已改元光啟也其人自唐宋志外唯張敦
頤六朝事蹟述其乾符中尉溧水爲詩弔雙女墳事
迄今道光以前皆未有言及者故全唐詩文竝未收
采旣乃有傳高麗活字本入中國者此本蓋依以過
錄而失鈔洪秩周徐有槩二序近乃從別本得之其
印行者有槩傳本者秩周也有舉稱其字海夫號孤
雲仕幕僚後中和四年充信國使東歸仍仕本國翰
林學士兵部侍郎武成太守且盛推爲彼國人文鼻

祖此集在其國亦罕見今雖有番禺刊行此帙固自
昔所珍祕也同治丁卯冬邵亭晤交

進狀 右臣自年十二離家西泛當乘桴之際父
誡之曰十年不第進士則勿謂吾兒吾亦不謂有兒
往矣勤哉無墮乃力臣佩服嚴訓不敢弔忘懸刺無
違冀偕養志實得人百之已干之觀光六年金名榜
尾此時諷詠情性寓物名篇曰賦曰詩綏溢箱篋但
以童子篆刻壯夫所慙及忝得魚皆爲棄物尋以浪
跡東都筆作飯囊遂有賦五首詩一百首雜詩賦三
十首共成三篇爾後調授宣州溧水縣尉祿厚官閑

飽食終日仕優則學免擲寸陰公私所爲有集五卷
益勵爲山之志爰標覆篲之名地號中山遂冠其首
及罷微秩從職淮南蒙高侍中專委筆硯軍書幅至
竭力抵當四年用心萬有餘首然淘之汰之十無一
二敢比披沙見寶粗勝毀瓦畫墁遂勒成桂苑集二
十卷以適當亂離寓食戎幕所謂饘於是粥於是輒
以筆耕爲目仍以王韶之語前事可憑雖則偃僂言
歸有慙鳧雀旣墾旣耨用破情田自惜微勞冀達聖
鑒其詩賦表狀等集二十八卷隨狀奉進謹進中和
六年正月日前都統巡官承務郎侍御史內供奉賜

紫金魚袋臣崔致遠狀奏

鉅鹿東觀集十卷

寫本

宋魏埜仲先撰

河南先生文集二十七卷

寫本

宋尹洙撰有簽校可取

蘇學士文集

校本

宋蘇舜欽撰以舊鈔本校宋犖刻本之失

淳南遺老集四十五卷續附一卷

寫本

金王若虛撰文珍樓鈔藏之本寫頗工

滋溪文稿三十卷

寫本

元蘇天爵伯修撰

梧溪集七卷 寫本

元王逢撰行書鈔密行尚可

極玄集

唐姚合纂汲古閣舊鈔本

金石三例

雅雨本有評甚佳目錄首葉有華亭嘯園沈氏圖書

沈慈之印二印

宋元舊本書經眼錄卷三終

孫小農校字

增錄卷第一

獨山莫友芝子偲

呂氏家塾讀詩記

羣書拾補云呂氏讀詩記明御史傅應臺氏刻於南
昌有嘉靖辛卯鄞陸鉞序從宋本出字多從古今其
本頗不易得世所通行者乃神廟癸丑南都所刻本
爾余曾借得嘉靖本以相參校始知神廟本脫去兩
葉其他亦有遺脫卷一詩樂禮記天子五年一巡狩
之前脫一段卷二十七烝民第六章鄭氏曰衮職者
不敢斥王之言也王之職有闕能此下嘉靖本後印

者脫去兩葉神廟本竟無從補完嘉靖本係每葉二十八行行十九字今鈔補于後云云卷二十八第八葉謂神廟本下同自彼成康奄有四方下脫誤十四字今補之云云第十二葉後三行牟大麥也下多訛脫今補正之云云友芝家藏是書後半自卷二十一至三十二其行款及從古字悉同盧氏所舉嘉靖本盧氏所記缺脫此本一皆完好字墨精雅印用羅紋綿紙舊裝古色香撲眉宇恐尚是嘉靖祖本也道光癸巳買之京師雖非完帙已足寶貴矣道光戊戌復買一上半殘本版稍大行款亦不同癸巳本反切及注中坳印未詳其人

易箋

注皆用單行側書戊戌本則悉易雙行癸巳本概用小篆古體作楷書雖不盡精貫亦畱意小學人所爲戊戌本則十改六七如常書以校盧氏所舉詩樂一條卽在脫中蓋卽神廟本也癸巳本每卷有潘雲龍

安平陳定齋先生箋易論象數則駁來瞿塘錯綜其象顛倒陰陽剛柔之實之非明辨以哲論筮法掛一及再扞後掛爲前一變掛一後二變不掛而掛一之策不入歸奇中二變皆以四八爲奇偶不用九五借

象雖異朱郭猶有發明於經義二條久見於四庫提要所稱道光戊戌禮闈始得其書琉璃廠肆觀其全而繹其旨蓋病術數言易之支離破碎故專就人事立說以愚夫愚婦之知能見天地鬼神之奧以省身寡過之學問揭盡性至命之微更事燭理觸物會象不侈統同之理使象爲虛器不求穿鑿之象使理無據依欲學者於身心體驗之中得涵泳從容之味不徒句釋字解以爲工強探力索而無當持平蹈質粹然儒者言矣頗敷暢程傳朱義而與傳義異者甚多自謂如康成之箋毛詩故名曰箋于研易家其在

虛齋蒙引安溪觀彖閒乎唯其六十四卦經文於半簡之中橫分四截首彖辭次象傳次爻辭次爻傳而大象別爲一條於後繫辭上下據史漢引改爲大傳上下非鄭非王不今不古其于雜卦謂筮人纂便記誦聖人存見反對之義目而傳寫多誤不必協韻以韻正末數卦者未爲得首乾坤三十卦而咸恒則首乾坤宜終坎離首咸恒宜終既未濟爲一一更正按其次顛倒脊亂非序非雜且通篇反對頤大過獨不相連莫解其故又以困脫不字柔遇剛剛決柔君子道長小人道憂皆誤添入悉增刪之改親寡旅爲旅

寡親信意武斷不可爲訓其酷信宋人圖書不服王
禕歸震川毛際可李穆堂之辨所申說嫌于浮游然
固不以揜其大醜也黔中前輩說易知者清平孫山
甫先生淮海易譚麻哈文鳳崑先生易注及是書而
三百易譚間有行本未之覲易注未受梓唯是書有
榕門刻本頗行于世維桑與梓必恭敬止是之恭敬
奉持益當何如耶

周禮註疏

此明正德時修補宋十行本其經補刊之策卽錯誤
無完篇其係原刻雖就漫漶無誤字通計宋刻猶存

十分之四亦可珍也善徵在祁門收閩本十三經其
周禮乃以此本畱入因重裝抽出與仿宋儀禮禮記
同匣弄而記其端同治甲子初秋皖寓邵亭晤交

禮記釋文

納蘭容若通志堂刊有仿宋淳熙四年本禮記釋文
在經解之外卷末亦具撫州公使庫新刊注禮記二
十卷并釋文四卷增校正人軍州官等一紙則必竝
刊經注而板毀僅存者耳嘉慶丙寅陽城張氏省訓
堂乃竝仿刊以行於是海內經生皆欲家置紙貴一
時邵亭嘗收其初印本以釋文校容若所刊絕無同

異既而于吳門見管洵美釋文卷端所記撫本異文則大勝兩本處不少頗怪陽城何以漫不省改適來邗上收一再校修本則洵美所記善處數十悉已補改其未改若干處則宋本誤字或筆蹟小異非兩字者乃知陽城刊此時其經注據顧氏宋本其釋文則直以通志本覆雕卷末竝云嘉慶丙寅某月其初印者中行計字數悉同通志下端葉數下則畱木未刻蓋誤改亦仍之其校修者則計字悉經補改畱木亦補刻匠者姓名末葉增嘉慶二十五年庚辰宋本釋文再校修訖印行一行又攷異末條亦經改定距刊

成時十五年矣故此書經注當以丙寅初印爲佳其釋文則庚辰校修乃善也同治庚午夏邵亭晤交于維揚書局識

春秋公羊傳註疏

此大理太和李中谿先生按閩時所刻十三經之本每卷首葉第三行竝署云明御史李元陽提學僉事江以達校刊世謂之閩本明南北監汲古閣所刊皆從以出其初印本皆有刊校一行此本唯序首猶存每卷則已削去或補一木條欲刻疏人而未刻乃修板者爲之其板卽中谿刊非別翻也中谿本公羊第

二行漢何某學亦有木條未刻乃待刻疏人此乃削去

樂通

樂通三卷明人撰失其姓名其上卷有敬業堂醞舫稽古閣書籍記三印知查初白朱竹垞皆經藏而經義攷不載明史志千頃堂書目皆未收同治丁卯中秋得之杭肆其書在明代言律呂家頗爲明白惜爛去自序及目錄前半葉人遂失攷耳

說文解字

邵亭讀本說文在苴升弟許丁巳客順元卽此本伴

行數歲以來相隨南北萬餘里庚申十一月至懷甯之廣邨雪中重装

用黔程伯專學博

鴻詔

所錄其師汪南士文學

文臺

校本使寫官迻錄於上下端時有一二溢于鐵橋校議外資補正者友芝昔刺取唐人及宋初人引許書異文若干卷思彙校一本此與校議竝益讐勘不少同治二年冬十月乙亥安慶軍次覈過識後

說文引經攷二卷

山夫先生著述傳者有別雅金石存皆精小學據金石以通其郵在乾隆諸老中亦卓然足名一家此攷

刻最遲故四庫未著錄然宜與二書並重同治甲子六月皖城新收重莊記邵亭

四聲篇海五音集韻

五音類聚四聲篇海十五卷金真定韓孝彥允中以玉篇五百四十二部依三十六母次之更取類篇及龍龕手鏡等書增雜部三十有七共五百七十九部凡同母之字各辨其四聲爲先後每部之內又計其字畫之多少爲先後以便檢尋其書成于明昌承安間迨泰和戊辰孝彥之子道昭改併爲四百四十四部韓道昇爲之序殊體僻字靡不悉載道昭又因廣

韻改其編次爲五音集韻十五卷以三十六母各分四等排比諸字之先後爲韻會所本其增入之字則以集韻爲本改二百六韻爲百六十而并忝於珍併檻於謙併儼于范併栛于豔併鑑于陷併醞于梵足證廣韻原本上去聲末六韻之通爲二與平聲入聲不殊又廢不與代通殷隱焮迄不與文吻問勿通尙仍唐韻之舊非如集韻用賈昌朝請改併十三處猶犁然可考其等韻亦深究要渺故四庫收其韻而其篇則入存目中二書唯成化十年官刊本成化丁亥僧文儒有合刻本稱篇韻類聚

其篇海題云改併五音類聚四聲篇

海其集韻題云較之他本多五音類聚徑指目錄餘改併五音集韻無所增損也向在京師收得一本以卷帙大棄之同治甲子夏皖城市出文儒本略爲檢覈蓋全錄大廣益會玉篇及宋重修廣韻而增之篇韻僅有張曹二刻明內府刻者韻乃未備之本篇題雖亦云大廣益會而刊落者甚多竹垞謂廣韻爲中涓所刪紀文達不以爲然今觀明刻玉篇直是刪取字韻且非舊次竹垞殆言篇而誤指韻也韓氏二書雖篇不稱韻而併依爲篇韻校讐之一本則亦不可廢也其篇中所載俗書頗有見魏齊石刻而他書不收者

復古篇

十有一月上旬訪王少山于東鄉百里見案頭有吳稷堂先生所藏復古篇舊鈔本亟借持以歸日來得暇乃舉而披之與去秋所寫安邑葛氏刻本相校而吳本奪譌特甚蓋拙手所書遠遜葛本而又幸其爲拙手書至有眞字疑字不敢妄改頗足以是正葛本蓋數十處葛本所有字吳本或奪去而葛本奪字吳本八九皆有如刮下坌篆及諸別字非字與躬攔之類是也亦有葛本寫到吳本不誤者如晦步百及諸字注或有先聲後形之誤皆當從吳本也如篆文尾

之從到毛良之從又亦皆勝於葛本唯其敘字每篇接寫不以紐分故其注文從字之字多出於葛本者幾百餘此因寫書人以行足空白不容篆文妄以間字足之不宜據以沾改葛本又張氏之例俗字皆云別作某其爲此別他正者則曰別用某二本皆有作用互譌者皆傳寫之差可以意改也又篆從省隸不省之字注皆曰隸作某不省亦有數條不省下有俗字疑此類中俗字後人所加皆當刪去之今但就葛吳兩本篆注小異同及互奪誤處朱筆表識于旁或上下方俟他日多暇當更爲清迤成完本云道光十

有六年十一月廿有四日紫泉莫友芝識于蓮舫
附釋文互注禮部韻略

此曹棟亭所刻五種之一 四庫全書錄此種乃據常熟錢孫保家影鈔宋刻謂前五卷與曹本同但首無序文條例而末附貢舉條式一卷凡五十三葉所載上起元祐五年下至紹興五年凡一切增刪韻字廟諱祧諱書寫試卷格式以及考校章程無不具載多史志之所未備視曹本特爲精善

續古篆韻六卷

吾子行此書 四庫未收儀徵相國撫浙曾以舊鈔

錄進至道光閒金陵陳氏乃有此刻子行著周秦石
 刻釋音一卷錄入 四庫此書所載諸篆亦以石鼓
 壇山詛楚及秦始皇山繹山二刻以韻編之又不及
 郎邪會稽等而增入比干銅盤其于石鼓音釋與舊
 異者或前人音釋岐惑者別為第六卷曰疑字蓋二
 書相輔而行也同治癸亥客皖所收手裝記之邵亭
 明交

史記

史記題評一百三十卷嘉靖十六年丁酉太和李元
 陽中谿按閩所刊亦具三家注惟索隱述贊不錄而集諸家

評語于書眉其不係名氏者則中谿說也其每卷題
 明李元陽輯訂高世魁校正亦有不題者亦有數卷
 李元陽上增題楊慎名者昇菴謫戍太和惟中谿為
 至交此本蓋即昇菴輯本因增益以付雕故題云爾
 明人好尚評論是書刻有評者蓋昉于此後凌稚隆
 為評林則又因此增益同治庚午暮春鄂肆收此以
 見一代風尚之由邵亭長記

四月還金陵見肆中有史漢異同四冊三十五卷
 亦嘉靖丁酉中谿校刊附此書後者其本出弋陽
 汪佃謂舊未有刻本在吉郡費鍾石少宰許手錄

者詳其後序中且及中谿題評之刻尋當購而合之

史記索隱

汲古閣仿宋刊單行本

同治壬戌六月皖口行營姚聲澂士贈此本約略檢勘足補現行官私諸本條以千計而毛氏刊誤亦自不少七月五日重裝散標所見於卷端時摘取中統本爲左證三日麤粗一過未得細讐期以他暇日也獨山莫友芝記

南史

校本

此校以南朝四史對覈本書略摘異同奪漏於上下

端頗正其疏失紀首尾竝有石民印傳尾印之上有題字一行云壬午五月先校南史十月初一日寫畢源記石民有名字而不書姓壬午又不知其爲乾隆道光其云先校南史知完此後卽更以此例校北史滬上獲此已缺去卅三卷北史益無從問矣惜之同治丙寅八月幾望自上海泛舟入泖口至松江草裝爲五冊記其端邵亭

通鑑注商十八卷

涇縣趙紹祖撰

康熙閒長洲陳少章景雲著通鑑胡注舉正一卷凡六十餘事老輩亟稱其精覈蓋本書繁重一過已難

知注文零瑣乃能根勘謬誤爲尤難也琴士所商胡注未安乃至七百餘事十倍少章所舉而彊其攷訂之專精足爲胡氏諍臣以益學者其功尤巨云同治初元皖口行營新收手裝以增本書之後七月旣望邵亭記

讀史兵略

此胡文忠讀史兵略宋元明三代彙本其五代以前已刊行爲四十六卷宋以後尚未及分卷刪定而文忠沒矣前段板成時曾在鄂撫署多桂園爲之校誤因以此段彙相付已閱八年乃檢舊篋見之謹裝增昔者校樣之後戊辰伏中邵亭

吳越春秋

元徐天祐注本大德三年十二月刊其十卷末題銜云前文林郎國子監書庫官徐天祐音註攷元百官志無國子監書庫之名萬姓統譜稱天祐登進士第德祐二年以國監書庫召不赴云云德祐爲宋瀛國公年號知天祐本宋末人入元不仕刻音註時追題宋官故云前前者謂前朝也是書又有明萬曆丙戌武林馮念祖臥龍山房翻刻本亦佳此猶元刻但非初印耳

通典

此明李仁甫巡按福建時刻本仁甫名元陽雲南太和人滇之淹通所首推者學者稱中谿先生著述最富升菴成滇之畏友也在閩所刻尚有十三經注疏在明南北監本之先今稱閩本校監本尤可貴不僅杜氏書也杜氏書每門或子類之末輒增入宋人議論數條不知誰何所爲攷 四庫提要政書存目載南宋麻沙刻通典詳節列引用諸儒姓氏止于呂祖謙陳傅良葉適三人于八門內汰其兵制又刪去喪服之制此本所列引用姓氏正與之同喪禮中亦都

無議論則卷中增入蓋自宋已然矣唯詳節無兵制而此本兵第一卷尚有宋人議論數條是議論蓋南宋人刻通典者增入爲詳節者據而摭錄仁甫但以宋本翻雕未及汰去決非又據詳節所增亂本書也且所增皆卷尾低一格書尚無大礙壬戌中秋邵亭記

欽定天祿琳琅書目

天祿琳琅書日本十卷此闕末一卷同治乙丑春友芝奉湘鄉公委訪鎮江 文宗揚州 文滙兩閣四庫全書經燹後如有散存千一宜購歸恭貯以待

重繕夏日歷瀕江諸郡有以宋元舊槧若干帙來覈定者適維揚市出此本亟購以待鈔補且所闕僅明板集部關攷證者正無幾也向讀韓昌黎集五百家注許氏刊者苦無外集 文淵閣四庫總目著錄亦然檢此帙載五百家注韓文凡二部並有外集十卷別集一卷韓文類譜七卷又增論語筆解十卷今類譜筆解皆別有刊本行世而外集別集之魏氏注者竟杳焉無傳當纂集 四庫全書時何以 中祕舊藏獨忘檢校所未解也所闕第十卷丙寅六月鈔補訖

授經圖二十卷

萬曆二年朱氏原刊本

此朱中尉西亭氏原本康熙間龔蘅因因以重刊黃俞邵校之頗有增訂俞邵序謂其載傳注時有闕誤而類例亦未盡善如古本易上下經十翼各自爲書王弼本始以彖象文言繫各爻辭下書則伏生口授二十九篇先興于齊魯古文後出孔壁先儒多疑之舊本先後不無參錯予與蘅圃重爲釐正易則復古爲先書則今文爲首其他經傳缺軼者復以諸史藝文志及通志通攷所載咸爲補入而近代傳注可存者亦閒錄焉視西亭所輯庶幾稍備矣乎此明刊未經校補者 四庫謂無刊本以龔刊著則未見此本

也

金石萃編補目三卷增元碑存目一卷

黃本驥撰

咸豐庚申夏大興劉子重

鈐福

以長沙黃虎癡此清

本相示云以未刻本子重在湖南時手付者亟命錄副以存吾友遺書一種五月三日畢工因校首卷記之是日長至又賤子五十生日他日此稿或因以傳也

秦漢瓦當圖記四卷增補遺

朱楓撰

朱排山此記特就其在關中蒐訪所獲錄之殊不備且皆習見唯末一事溝瓦之當有長樂未央字者是

昔人所未及戊辰中伏邵亭識

養生類纂

察菴周守中撰

此無總目終二十二卷服餌一則服餌似尚有一三卷攷千頃堂書目宋周守忠類纂諸家養生至寶二十二卷又養生月覽二十五卷此當即至寶也

普濟方

此普濟方殘本十二冊始此第六十九卷至百十六卷止中缺不連者猶若干卷其卷大者百餘葉卷小者亦三四十葉方書蓋未有富于此者考宋元醫家無此書惟千頃堂書目載明周定王普濟方一百六

十八卷蓋卽此書明史藝文志載此書僅六十八卷則寫脫一百二字也未見刊本此殘鈔爲汪閔園舊藏亦有若干類可觀覽者同治庚午中秋金陵市出所收草裝畢記其首

太玄經范注

此明江都郝梁據宋萬玉堂本傳刊者愛日精廬藏書志載有此本蓋明時佳刻也然其一卷羨首卽脫去贊之初一經注三十六字凡傳刻古書不依舊式每有此病宋本半葉八行行十七字圖後坳說六葉前又有司馬溫公集注序及說玄集事蓋皆刊本所無昔藏者錄

以備觀溫公自有書不應羸入此本目

此陽城張氏省訓堂舊藏同治乙丑四月收于蘇肆尚闕第二第三兩卷丁卯八月于杭肆獲此刻殘冊適足相補戊辰二月攜來江蘇書局欲以萬玉堂本校因手裝過記之二十一日己亥邵亭晤交

戊辰二月壬寅以所假宜稼堂所收萬玉堂本校此三冊三月庚寅畢功萬玉本足補正此本蓋千有餘字子高傳刻亦何草草乃爾耶亦有此本是而萬玉本誤者三十字蓋所據傳刻別一宋本前輩以爲其據萬玉本者不足馮也此書明末尚有黃石齋本

卽用萬玉本覆刊而削去板心萬玉堂字其勝此本多矣

封氏間見記

封氏間見記寫本十卷同治丁卯中秋杭游所收整理散亂僅失末卷尾半葉後一紙記二行云隆慶戊辰借梁溪吳氏宋鈔本錄知是明人舊鈔手裝以存是書元明以來無刻本至乾隆中德州盧氏乃據虞山陸勅先所錄孫伏生家本刊入雅雨堂叢書孫本爲吳岫方山舊藏錄於正德戊辰不言所出孫氏又假秦西巖別本校勘秦本則朱良育依唐子畏柳大

中兩本先後各鈔五卷者有至正辛丑夏庭芝跋蓋出于元鈔此本據宋鈔則又兩本外之別本已已開歲書局獨居無事乃以盧刻通校一過其足補刻本佚脫者第二卷石經條首百六十三字三卷制科條二十三字銓曹條六字四卷尊號條二十六字露布條八字五卷燒尾條十九字圖畫條二十四字外此足補正一二字脫譌又各數十計始知此本遠勝方山西巖所弄隆慶戊辰距今逾三百年所據宋鈔斷已無存海內決無更勝此本之帙在邵亭子部中直與宋本同什襲可也晁氏讀書志載此書五卷與唐

書宋史同此及方山西巖依宋元鈔者乃皆十卷殆自宋即有此析五為十之本晁本無傳未從質矣其

第五卷長嘯條刊本多二十五字云蓋出其言善千里應之出其嘯善

萬靈受職斯古之學道者哉校注謂原本朱筆增入吳方山云二

本俱無今此本已增刊本數百字而亦無之蓋校者

依他引嘯旨語記于行間者不必定封氏書所有也

穀日燭下莫友芝識右跋隆慶戊辰錄宋鈔本

以明隆慶戊辰錄宋鈔本校此刊本第二卷石經篇

增出百六十三字三卷制科增二十三字銓曹增六

字四卷尊號增二十六字露布增八字五卷燒尾增

十九字圖畫增二十四字其一二字足補正者又各

數十處悉于卷端行間標記以便觀覽此刻所據陸

敕先依吳方山秦西巖兩本錄校者不及隆慶舊抄

遠矣封氏書雖說部雜記其述唐代掌故多史志遺

略足充學者考鏡資糧漁洋亟稱之雅雨亟刊之皆

以此儻有好事更以此校付雕當亦王盧所深許也

同治己巳開歲人日校完穀日識獨山莫友芝右跋雅雨

堂刊本

回溪史韻

此史韻五冊其三冊蓋影宋鈔僅十七卷當即竹垞

跋所謂從琴川毛氏長洲何氏所藏合之寫存才十七卷者又益別鈔二冊六卷合爲二十三卷與掣經室進書提要合然則此書之存于世僅此弱半而已竹垞所言見于京師嫌殘未錄之七冊殆不能多也同治丙寅九秋胥門收此裝成記

新編事文類聚翰墨全書

此書蓋以十干分十集而各集門目皆互相補無重複亦如祝氏類聚雖一時兔園冊子而宋末及元初人文字不傳者亦得略存一二不必盡供應俗也諸家書目唯黃虞稷明史藝文志稿有之當亦見于頃

堂書目云劉應李事文類聚翰墨全書九十八卷注云字希泌建陽人咸淳中進士授本邑簿與熊禾胡庭芳講學洪源書堂覈其編錄之意蓋亦宋人翰苑新書之類 四庫提要不載則進呈未及目同治丙寅九秋蘇門市中收此殘帙僅乙巳庚三集及戊集之末冊于全書僅三之一以其猶是元時刻印姑存之書其端示兒輩邵亭眀交吳江舟次

穆天子傳注疏

檀默齋氏穆天子傳注疏極力開荒爲宋于廷氏所推服惜未肯翦去蕪衍以成簡當目然滇荒窮宦藉

抒無聊之思至精闢不磨處故是奇作庚午仲春友
芝搜獲於安慶肆中漫識

道德經唐玄宗注

此寫本同治丁卯秋吳門所收蓋出于道藏者庚午
中夏來維揚書局以易州石幢唐刻校之記其異同
寫本固多誤亦時有可證石本處十八日雨中燭下
邵亭

孤忠小史

元九龍山人編此書不知幾卷皆道家言如列仙傳
之流而書題孤忠莫解所謂己巳初冬揚城書攤漫

收以供舟中觀覽寫本甚舊亦元明間物也

楚辭集注

蔣楚稗刻朱子此書並辨證後語增焉可謂足本但
不應于後語六卷後增入明人騷體爲七八卷又朱
子所刪之諫懷歎思四篇復鈔置辨證之前亦不合
若以所補後語及四篇增覽竝退出別編使不與本
書相亂卽無妨矣咸豐庚申十一月懷甯廣邨寓館
邵亭記

陶淵明集

陽子烈所編十卷本咸豐辛酉嘉平皖城行營收旌

德縮刻宋本初印者此板後多漫漶不可讀繩宜寶
之邵亭眊叟呵凍記 毛扆祕本書目宋板淵明集
注云桃花源記中間之欣然規往今時本誤作親謬
甚五柳先生贊注云一本有之妻二字按列女傳是
其妻之言也他如此類甚多即四八目比時本多八
十餘字而通本一作云云比時本多十餘字 按所
舉二條竝與此本合通本校語亦多于時本然則此
所據即毛氏宋本也

汲古閣刻陽休之編本此冊非舊印以附錄卷中載
有吳仁傑所編年譜爲家藏書所無故裝存之壬戌

六月六日邵亭皖口行營記

右跋又一本

元次山集

淮南黃又研旅刊本

同治壬戌九月庚戌朔獨山莫友芝手校畢于十二
巷外蒐得冰泉銘及再讓容州表與載本傳之自釋
凡三首使繩兒別紙寫附卷尾更畱餘紙亦待續得
云

翰苑集

世行陸宣公奏議本皆十二卷無注此獨十五卷有
注雖文無增損而卷帙次序小有異同其注略具史
事亦不繁冗當是宋元舊帙明嘉靖時翻刻而遺其

注人以書式皆宋樣而東坡等所進劄子猶用當時
提行格式故知非明人注也同治元年三月繩兒收
獲重裝書以俟攷邵亭明笈

是歲七月既望見昭文張氏愛日精廬藏書志載有

注陸宣公奏議十五卷云至正刊本宋郎曄注前有

紹興二年曄進書表與當題銜稱迪功郎紹興府嵯

縣主簿臣曄不著姓案清波雜志曰輝友人郎曄晦

之杭人嘗注三蘇文及陸宣公奏議投進元吳文正

公集陸宣公奏議增注序曰因郎氏舊注而加詳劉

岳申申齋集曰宋紹興中有郎曄嘗注陸公奏議以

此知爲郎曄也表後云紹興二年八月初七日進呈
案表中有云恭惟至尊壽皇聖帝攷淳熙十六年光
宗受內禪尊孝宗爲至尊壽皇聖帝次年改元紹熙
則興爲熙字之誤無疑卷一後有至元甲午仲夏翠
巖精舍重刊木記脈望館書目著錄 據此則此本
當卽據元刻郎本翻雕而失載其進書一表愈不可
了目當錄入卷中以俟攷

孟東野集

同治丁卯秋收于武林此嘉靖丙辰無錫秦禾知武
康縣時刊本依宋景定中天台國材知武康所刻宋

敏求編定者其聯句十首載昌黎集中者敏求以其
章著不錄此仍錄附第十卷後秦氏爲之也戊辰花
朝蘇城經訓堂手裝記

傳家集

司馬文正傳家集在蘇收得明人依宋本舊鈔闕卷
四十八至六十凡十三卷肆中有康熙閒夏縣刻殘
本按所闕文篇目拾以補觀夏刻與宋編卷次不合
乃付雕者妄爲改編其刻又惡此鈔雖多譌錯不工
然猶勝此刻乾隆辛酉陳文恭公爲蘇臬時亦刊此
書世稱善本當以此舊鈔校之

辛稼軒集

九卷疏議劄子論文啟三卷詩一卷詞五卷
附辛啟泰所編年譜一卷

辛忠敏集久亾此嘉慶中萬載辛敬甫綴拾殘牘爲
之計不過十一百唯詞集別行乃獨全忠敏僅詞人
哉古來人物文章傳否皆作如是觀

偶思讀稼軒詞適得此本鼠蛀幾無完葉竭半日之
力揮汗整補重裝亦幾玩物喪志矣此本爲其族裔
敬甫刊校汲古本增多三十六闕故是足本壬戌天
貺節皖口記邵亭

元遺山詩集

此影鈔明宏治戊午汝州重刻曹益甫所編二十卷

本較全集中十四卷之詩增多八十餘首明末毛子
晉刻元人十家詩其遺山一家即用曹編大書疏行
改寫上木此之細行密字蓋猶元式也同治戊辰暮
春收于閩門肆中重裝記

明沁水李瀚叔淵宏治戊午巡按河南四月序刻元
遺山詩曹益甫編二十卷本于汝州閏十一月又序
刻遺山文集四十卷于開封此耕釣草堂影鈔舊本
首有段稷亭氏至元庚午爲益之二子刻書引亦載
叔淵刻此書序而云附則其據許州本或至元本未
可知也近施北研注元詩歷舉康熙時華刻全集之

誤悉以開封本正之並條查初白讀本之是非以此
本校之皆一一不誤則所據本之善可知其于原本
漫縮數處皆摹其狀故知爲影鈔也其影者至元本
可寶不必言卽許州本當亦不下至元北研不見許
州本知傳者已稀然以中州本例之其校刊亦非苟
然矣此影手雖未致佳然殊不草草細行密字矧大
資我舟車耶戊辰四月己丑邵亭識

潛谿集

元至正刊本

此二冊皆景濂元時所作多宋學士全集所不載
四庫著其全集復載其未刻集二卷爲金壇蔣超簡

存者此本中皆有之可以互補也邇年福建有先生諸集彙編全刻此八卷計及五分之一百以舊刻收以備攷壬戌秋杪邵亭記

願學集

明鄒元標撰

此忠介集之初定本也今文淵閣所錄卽此八卷吾家舊藏此集外別有存真集若干卷太平山房疏草若干卷四庫皆不著錄則當采書時僅進此本故目南皋以謫開勺學其著述尤服膺同治初元皖中收此亟裝付子弟珍藏俟更求存真疏草也

學孔精舍詩鈔

明孫應鼈撰

此二冊六卷咸豐甲寅閏七月寄到自麻哈艾述之從其祖鳳嵩侍講手鈔本過錄者疑卽明史藝文志所載學孔精舍彙稿十六卷之末數卷也鳳嵩錄之必見彙稿之全文恭文在詩右不知何以不錄今遍訪不得殊可惜也就卷中詩通覈之所歷官皆備先生之詩此當足本惟省志載有聖壽寺小集一絕思南志載有孝友堂小七古三首爲此本所無聖壽寺詩據清平志乃孫興甫作而省志誤爲文恭孝友堂詩當嫌事涉語怪不存其稿皆非遺脫也二十有一日獨山後學莫友芝識

潘氏八世詩集

貴州家世有集者曰越氏楊氏吳氏潘氏越至卓凡
 屢非楊至龍友洵美堂吳至滋大啟帚並濟前美稱
 一時一家之盛而繼者吳氏猶傳復旦漱石餘則未
 之有聞惟潘氏自朗陵味淡軒士雅瘦竹亭已足埒
 越吳楊諸家而觀黔西潘生元炳所輯家集始明萬
 厯迄 國朝道光間由朗陵而下凡八世十有三家
 為詩若干卷二百餘年風雅相續不衰嗚呼尤可謂
 極盛者矣朗陵之祖伯瞻惠政在滇州伯瞻子中池
 活武定冤獄朗陵乃以文章科第起其家安賊圍貴

陽朗陵毀家誓死保城以完慈惠忠貞澤流無既宜
 哉而元炳敬奉手冊至八世二百餘年罔有失墜噫
 亦可以風鄉里之為子孫者矣咸豐二年秋七月

朗陵名潤民祖維嶽字伯瞻號抑菴貴陽人嘉靖
 丁酉舉人知雲南永平縣遷昆陽州所至有惠政
 卒之日家無餘資思聰字子忍一字中池司武定
 府獄府欲冤殺武定民樂應舉力生之樂氏祠祀
 累世朗陵萬厯癸卯解元丁未進士改庶吉士官
 至雲南左布政使字用霖號朗陵著有味淡軒詩
 集子馴驤馴字士雅號韻人蒙自縣著有瘦竹亭
 舉人 國朝順治末知雲南蒙自縣著有瘦竹亭
 集出岫草驤字子襄崇禎中選貢考授桂王時雲
 南羅次知縣升四川崇慶知州著淡遠亭集馴子
 德徵號亦韻字道子康熙己酉舉人官至武定知
 府著玉樹亭集德徵子奕快字允大康熙中監
 生著滇遊草快字死悶康熙壬午舉人著雷餘堂
 集奕子文芮文苞文芮字右質一字彬也貴陽優

廩生雍正中教授黔西州翠屏山因家焉自號翠屏寄客著翠屏寄客詩文集文苞字鞏也乾隆庚午舉人官福建鹽大使江西朴城知縣著琢雲軒詩草以上五世竝貴陽人文芻子曉字東白黔西州學生著斷續亭集曉子以澂以溶以澂字靜川黔西州學生著甯愚堂集以溶字巨川又字蒼巖大定府學生著思敬堂集以澂子桐構桐字鍾嶧監生著客雷草構字雲表黔西州學生著菡蘭軒集祥芝

魏忠節公集

右嘉善魏忠節公廓園先生自譜及家訓遺囑日記疏草書草詩草雜著四序並天啟五年被逮途次手稿行及良鄉使僕飛鴻付其子學泚者當逆奄擅權除不埒己之君子先生又同姓乃爾故疾之殆甚楊

左諸君自辭家上道即知不得生還奔波忽遽中堅定整暇訓述周詳下闕

山水移集

右楊龍友先生山水移集四卷附錄一卷崇禎己巳七月先生奉其父霞標參政為天台雁宕之遊哀其詩文圖畫以歸謂之山水移既而刻遊集埒以前後一二年作遂仍其名集中有立春七律蓋即遊台宕年詩其起句云三十三年電光走然則此集僅先生三十後數年作也其詩骨挺勁岸異已有不可一世之概未到者渾融百崇禎末先生又刻洵美堂集見

明詩綜引邢昉曰洵美詩紆徐以導遠篤摯以達情
史元曰洵美詩沉澹淵遠有正始之音杜濬有懷龍
友諸君詩云黔蜀波瀾老所論皆與此集不契知後
此所造必更有深焉者屢訪未得其本先生值遺明
殘局猶螳臂撐撐安思恢復膏斧鉞而不回其志節
倜倜至今有生氣詩文流傳正因人重洵美集既不
可見而此山水移舊冊又歷千百劫僅存於塵堆鼠
窟中而乃今出之若有陰爲呵護然者亦愈足珍惜
矣集以詩百三十九首爲一卷亦城山賦竝張琤賦
序爲一卷台名日記及江行十二畫記爲一卷腐候

傳爲一卷增錄諸社長送游贈言一卷則夏允彝送
行詩序及陳則梁宋存楠張堯翼張明弼繆時英陳
元綸宋珏七人送行詩而雜以陳煒支如增兩序朱
隗朗道人顥蔡如蘅臧煦如四人詩沈鉉賀懋修二
人跋皆爲集題者又有陳煒答詩五首錢旃魏學濂
題畫詩潘一桂畫贊周祚新張澤季肇亨錢棻秦懋
德何白六人畫跋凡二十五人之作首載其舅越其
杰其師鄒嘉生兩序并其杰四詩而又以董其昌陳
繼儒倪元璐李日華譚貞默五人題畫冊引范允臨
題畫詩李思聰送游詩謝上選題集詩竝雜置卷端

以張結納之盛杜濬有云昔年龍友請余爲其季子作傳肅衣冠以五十金潤筆而茅止生來索觀余文猶嗤曰龍友小樣不知文章痛癢止生之譏殆緣此類然今去先生二百餘年不惟籍見一時交遊而謝文若周又新蔡湘渚皆黔竹文人著作盡逸越自興雖有詩而文亦未見竝得畱吉光片羽所補爲不少矣咸豐王子黎柏容學博從定番張氏假得相示亟錄副待好事傳之因書其後

漁洋山人精華錄

林佶吉人手寫當時名集付梓者三午亭集堯峯文

鈔及此錄也三家詩文豈必以佶書重而佶書精印本尤世所珍弄小伎顧可忽哉壬戌夏四月善徵弟收于祁門攜至安慶增衣草裝書示繩兒

蓮洋詩選

蓮洋詩佳處正似南田寫生于古來能事外自透出一種天趣愈覺鮮秀撲人其出之自然尚有漁洋所不及處無怪其亟詫得髓也使學更能稱才太白東坡一閒百又安來藏園卷菴之不滿哉庭弟學詩稍腐氣計唯中條華妙對證而易服爲檢出若干首五言據三之二猶不能盡其勝七言二之一幾不能及

始欲更去昌化寺觀吳偉畫壁陟領赴潭柘寺等數
篇則愈寥寥故亦過存焉蓋先生五言有深功七言
徒信才目前輩云天姿國色粗服亂頭亦好又謂動
用佛典是其一短皆是定評不可不知也道光乙巳
正月六日

河岳英靈集

篇中宋諱或避或不避惟虧字寧宗嫌名數見皆闕
筆蓋寧宗時刻也丙寅冬初邵亭校讀一過

宋文鑑

此選固不如唐文粹之善而北宋諸名家當行文字

亦庶幾備矣頗有本集不存猶籍攷見一二者有本
集存而集外可補一二者甚有資於文苑此明晉藩
翻宋刻本亦尚不惡惜缺去四十餘卷幸所存猶過
三之二已多平昔未見之篇故聊收之王戌初春皖
口行營邵亭

皇元風雅

前集六卷傳習采集孫存吾編類虞集校選
後集六卷孫存吾編虞集校選

皇元風雅前後集是據元刊本舊鈔蓋汪閔源氏千
元之一也 四庫全書提要載此集前後各十二卷
前集百十四家後集百六十六家此本家數大略相
等而卷數各減半殆與 文淵閣著錄本無大不同

特卷帙有合并目同治丙寅中秋收于雲閒肆中初冬還金陵芙衣爲裝過記其端邵亭晤交

初白菴詩評

增許蒿廬詞綜偶評一卷

近日子弟爲詩文苦不得門徑者或取老輩點勘過大家集子及子史令其迻鈔每有悟人處此等事不關根抵通人所嗤然以啟發中材爲益不細皖口行營偶收此評本老來無暇觀覽付兒輩存之亦備迻鈔一助也邵亭晤交

唐五代詞

此集以花間集爲底本而增益之其在花間外者太白及南唐中主後主皆引令之極軌其卷十又備錄馮正中陽春集湖詞之源觀此已足邵亭

增錄卷第一終

孫小農校字

增錄卷第二

獨山莫友芝子偲

秦之采刻石摹本

繹山會稽兩秦刻再三傳本何首尾完具乃尔蓋卽徐鉉申屠駒意爲補綴故與現存郎邪泰山字皆不類此嚴鋈橋先生意摹之采廿一字乃去眞秦刻不遠何徐申屠之足言哉同治丙寅六月自金陵來滬上訪遺書戴禮庭以陳嗜梅翁藏卷相視因記

秦泰山刻石摹本

以好古拓鈎摹下眞蹟一等者與鈎摹剝蝕古帖下

眞蹟二等者皆上上妙手泰山秦刻廿九字乾隆初
碧霞廟火拾出碎存于玉池中者僅斯臣去疾一行
四字及昧死臣請矣臣三行六字兩小石其拓本流
傳猶如快劍斷生蛟鼉決非後來所能仿佛此鍊橋
先手蹟乃能僅下眞蹟二等以視阮孫諸刻直孱茶
無生氣始知此老精詣突過一時能事也嗜梅翁鑒
眞好古又挾之出劫火中以存可謂得所矣同治丙
寅六月中伏避暑上海也是園獲觀識

漢庶孝禹碑

此拓同治九年冬潘伯寅少農所寄謂肥城新出者
左方刻隸書一行云同治庚午某某訪得此碑于平
邑肥城平陰壤接蓋獲諸平陰境移肥城爾碑僅二
行一行八字云河平三年八月丁亥二行七字云平
倉庖里庶孝禹漢書成帝紀是年八月乙卯晦則丁
亥爲二日平倉卽平陰假古文霽之舍而筆迹小異
庖里卽廣里光里之別體諸字書所未收平陰廣里
本齊邑里名平陰至隋始爲縣漢爲濟北王國之盧
縣地與肥城同隸泰山郡續漢郡國志云濟北國盧
有平陰城有防門有光里有長城至東海卽左氏襄
十八年傳所謂晉同伐齊齊侯禦之平陰塹防門而

守之廣里者齊人言廣音與光同故或稱光庇之讀

蓋如光矣

方輿紀要引平陰故城志云在縣西北三十五里齊平陰邑也京相璠曰平陰在盧

縣故城南十里蓋卽今縣地又曰平陰城南有防防有門于門外作塹橫行廣一里又曰防卽長城平陰南有故長城東至海西至濟河防門去平陰三里防門之北有光里今其地亦名廣里云左氏所

言廣里本謂齊之塹防廣一里後來遂以廣爲里名

又或稱光與此之別爲庇寔一地也庶姓姓書所逸

唯時見于漢刻韓勅碑有故涿郡太守魯庶次公故

樂安相魯庶季公曲阜魯王墓前石人胸字有樂安

太守庶君亭長上之則史記載將卒攻卷之庶公與

蒙騖王齧同爲將軍見秦始皇本紀是庶姓漢前已

有之特漢以後未聞耳而應劭漫謂庶秦邑索隱遂

謂庶邑公史失其姓名正義又謂秦之縣邑大夫稱

公若楚制皆無的據承應氏而失之也此之孝禹不

書爵位自是處士又但記歲月鄉里不言碑所施疑

亦墓石墳壇神座之類乃並漢故表碣等文無之古

人簡質蓋可慨見今存漢石自西京者希矣曲阜之

魯孝王刻石及揚州淮南厲王墓之中殿第廿等小

石並此三百結字蕭散天真筆意渾勁兼分篆亦與

中殿相似邵亭眎交識于淮南南書局

漢夏承碑

漢碑至夏承上引篆籀下通隸楷書家精能至斯極矣魏曹真一石乃遙與助其波瀾雖雄厚少遜而後來引篆籀美隸楷名家殆未有不自滋出者積雨初霽木筆盛開展對鄭堂此卷百過不厭同治己巳仲春望日

漢三公山碑

此碑是隸非篆不得與崇高太室開母廟闕同科誠如覃谿之說其釋文小松爲善故命繩兒依錄惟八行閻祐是祐非裕甚明故不從百辛未初夏漢光祿勳劉曜殘碑

在山東東平州同治庚午六月新出于州之蘆泉山陽閏月景鑑泉閣學經邗上贈邵亭其所歷郎中謁者太官令朱爵司馬居延都尉議郎河內太守長水校尉宗正尉衛光祿勳故隸釋題光祿勳劉曜殘碑無鹽乃其里縣見額新跋云無鹽太守失之矣漢人銘墓以郡邑題其首者惟見此一碑

漢曹全碑

此舍弟善徵祁門所收乾字左端直未穿尚是舊拓惜紙墨不精且無碑陰此碑陰字尤自然可愛也同治丙寅春重貼過畱餘紙以待伏日寓上海城中

也是園酷暑無可逃段書肆景完碑陰錄一過瓊字
字書所無玉篇土部有坡同敷精姓僅見

漢伏生授經圖

此石道光二十五年四月日照許印林瀚獲于沂州
府治西北古北大寺西廢園中移置琅邪書院同治
四年十一月訪丁儉卿丈于淮安畱晚飯印林之子
逢吉適持此石拓三紙贈丁丈遂乞一以歸邵亭是
日辛未頤志齋中

新莽始建國鏡

德清戴子高文學示始建國鏡拓本徑莽尺七寸二

分彊篆銘五十一字云唯始建國二年新家尊詔書

敬下大多恩賈人事禾蓋利省字文貳蓋丁字丁貳

田蓋田字更作口疑符應治百官五穀孰天下安有知

之市蓋士字得蒙恩宜官散葆子孫中層七乳間七文

復兩有子孫字餘三文若鈎藤糾結殆非字也子高

謂此鏡祥符周星詒季貺所藏季貺咸豐庚申歲就

官福建同知收于福州采銅局失手墜碎爲二命工

銀鑲合之子高同治癸亥之福州手拓此本篆書帶

隸殊不如爾時官家泉布之工然亦與元初三公山

碑延光太室石闕後銘筆勢相類雖鑄人刻劃古意

固未泯也漢鏡有紀年者翁覃谿金石記載元壽元年永康元年二事並此而三百丁卯開歲九日

吳禹陵之石題字

此據王少雀先生藏劉燕庭熙海舊拓寫其前似有字四行爲宋紹興時從事郎題詩所磨後有字一行又爲會稽令題名所磨其上隱約有二字其下當有幾字不可知張氏每行十六字之說不足據也其有大字處高廣如杜記玉石上二字疑是梅梁又疑無梁

晉周孝侯碑

百三家集元校云此碑據舊集鈔之中多訛謬文理不接且孝侯旣戰沒而云舊疾增加奄捐館舍猶可笑也攷常州志此碑尚藏于廟而所載亦是如此當是古碑殘滅後人取斷簡以意補湊之用勒于石遂沿以爲真百尚須博攷

宋爨龍顏碑

大明二年

劉宋碑版金石家皆未之及今唯傳仕德此石百後晉爨寶子一石五十四年在雲南陸涼州

梁建陵闕

此梁武帝父順之陵闕也其正刻一石見歐陽集古

錄而誤屬宋文帝王象之已爲舉正宋以後遂逸此
反刻一石同治八年春友芝始并訪獲猶逸正刻太
祖皇三字婁陽葆光乃蒐出合之九年秋九月辛卯
題記

梁安成康王蕭秀東碑

宋張敞頤六朝事迹謂秀墓碑二其一已磨滅卽此
碑也今審其額猶可識拓備一種額下有窻窻下乃
刻文猶存漢晉來碑制其西碑及始興碑亦然

梁安成康王蕭秀西碑

距東碑七八丈許東西相鄉六朝事迹謂其一字畫

猶可讀乃彭城劉孝綽文又云是貝義淵書在清風
鄉甘家巷卽是碑也今巷仍舊名在江南會城太平
門東北二十七里碑文已剝漫無一字唯額略可識
其陰刻人名約千有三百餘人存剝相半猶可尋南
朝小楷法度勝抱宋以來集帖虛慕晉人也中最奇
者薤蓋姓苑字書所未見史稱秀薨佐吏夏侯亶
等表請立墓碑詔許之當世高才游王門者王僧儒
陸倕劉孝綽裴子野各製其文欲擇而用之咸稱實
錄遂四碑並建今二碑南側立二石柱一亾一剝二
柱之南二龜趺亦東西向又南二石獸四碑之迹猶

可仿佛而二宋前已毀一碑僅存空石四文竟無一
存可慨也秀武帝異母弟建碑必待請報可者隋書
禮儀志天監六年明葬志凡墓不得造石人獸碑唯
聽作石柱記名位而已秀以天監十七年薨在明葬
志後故百

梁始興忠武王蕭憺碑

在安成碑西一里六朝事迹所謂徐勉造貝義淵書
在清風鄉黃城邨者也最古卽梁書邵陵王傳載將
軍趙伯超議征侯景所不宜從之黃城大道今黃城
之名唯六七十變猶記之問少壯者皆茫然碑文漫

剝三之一撰書人在碑末尚未損其清朗處校北魏
諸刻格韵相等而差朗潤蓋南北大同小異處上承
鍾王下開歐薛皆在此碑其漫剝處細審亦能得十
二三以較王蘭泉氏金石萃編所錄可多識千許字
如第一行公諱憺字僧達南徐州蘭陵郡蘭陵縣都
鄉中都里人凡廿一字次行提行云太祖文皇帝之
少子今上之季弟也卽萃編所未錄碑陰未經磨厲
審無刻字碑西向南側又直東石獸蓋其東碑其西
適有龜趺東向南側直西石獸其有西碑無疑凡應
刻碑陰者當具其中亾在宋以前矣蘭泉粹編乃指

安成西碑陰爲此碑陰疏誤之甚

增釋文

識而未確者加方圍

公諱愔字僧達南徐州蘭陵郡蘭陵縣都鄉中都里人太祖文皇帝之少子 今上之季弟也泝維命

氏含光華滋累代尚聖於□□不基於王業苞河海而爲浚指雒閭而同陰天乙降玄鳥以居毫微子駕白馬而君宋爰初啓姓是惟建國文終德冠羣后少傅儒雅一時積葉寔參會昌自昔 太祖嘉猷貽謀奇計命世德惟時並名與功偕齊祚之初佐成大議道書天府勛紀太常仁義爲基厥後斯大爰集寶命

興我 皇家盛德之風於斯乎在公稟五緯之純嘏資三才之聲靈踐高明之盛儀體滔壹之弘道侏倘英邁風儀澄遠聲爲律呂言成典誥嬉亂之歲早有令德弁角之辰夙懷聰敏率由孝友因心敬讓時年數歲所生吳太如有疾公衣不解帶累日絕食迨乎執喪毀瘠過禮慕兼樂正哀甚顏含勇與羣伴閑居忽爾雷震羣者駭散惟公獨否旣聞民爹之歌弥見台輔之量故典戈負弩□□功倍諮經問道匪扶自直室迓人遐則應之千里始登冠禮成膺府命參西中郎脩伍法曹俄遷外兵優遊戎佐談詠而已齊德

將昏人離眾散 聖皇乘時撫運念拯生民龍驤漢
水帟據南徐公與第八兄南平王偉知□□所歸辭
職待從覩風雲之會乘天地之符眾猶熊熊將如貔
虎五臣十亂之旅四七二八之雄縱橫上略紛紜決
勇公參贊神謨夙興帷幄功均七壘南康王攝西朝
制命荆陝以公爲冠軍將軍西中郎諮議相國後事
中郎俄遷給事黃門侍郎霸王振興連旄西土義師
雷動龍行天討公與南平王留守雍部于時四海宅
心八百冒會人神協契莫不率後而廉惡之朋弗識
天命先迷未晤後服猶昏寔繁有徒梗我王略公弼

諧州事鎮撫關河肅奉成規事等蕭寇出屯西壘影
嚮南平梁州齊興太守顏僧都魏興太守裴師仁阻
絕城郭眾踰一萬謀據漢北將至城下公毗贊討謨
盡其晨夜遭繕精銳先據始平要擊多殺二賊烏竄
及蕭瑣魯休烈來寇上明姦回猶騁豕突方縱又鎮
軍將軍蕭穎胄佐命西朝政教攸在一朝徂殞內外
恇然以公式遏有方朝野茲寄爰下璽榮徵公入輔
間命選徒裹糧邁邁紀郢魯識其疆域會諸建□乃
不圖和帝仍除侍中右將軍行荊州事公運以英規
罪人斯得七州底定百揆時叙大蕃興后来之歌皇

輿無反顧之慮和帝西下以公為使持節都督荆湘益寧南北秦六州諸軍事平西將軍行荊州刺史于此時帝將與賢昌我侯國承天革命磐石斯建維城大啓公勲兼望奭親惟魯衛帝曰欽哉胎字南服天監元年四月封始興郡王食邑二千戶江漢之紀寔惟南國形勝之要正鎮西楚苞含蠻蜒控接巴巫今陝之寄民望攸隆惟公誼薦天倫相維締業揔督之任寔曰允諧 詔使持節都督荆湘益寧南北秦六州諸軍事安西將軍荊州刺史公褰襜以化犁氓張袖以納夷狄先之以德惠後之以威刑廣田省役階

無滯訟應接如神趨召弗懈益部諸將李奉伯倚劉季連寇亂嶮峨櫻城固守公折簡以示禍福無俟兵革之勞成都又安公之力也事間務隙常集賓僚訪問政道談述詩賦親屈車騎軾隱者之廬虛已降尊延白屋之士給醫藥以拯疾病建惠臺以救乏絕齊相之樂交食客晉卿之脯糒翳棗以古方今豈能及此振仁風乎夢水被茂澤於楚山尋加鼓吹一部六年沮漳瀑水汎濫原隰南岸邑居頻年為患老弱違遽將至沈溺公匪憚澣沐躬自臨視忘垂堂之貴親版築之勞吏民憂恐趨進益急見辟危力竭拏業旋

城購以俸金所獲甚衆洪波無驚舉境歎服德之攸盛皆曰神明四郡所漂賑以私粟髭眉縮髮莫不歌頌是歲嘉禾一莖九穗生於邠洲甘露降于府桐樹唐林之美事符茲日並欲奏聞謙讓弗許七年丁慈母陳太妃憂水漿不入口六日毀瘠三年扶而後起中旨慰喻以大軍之後宜盡綏輯頻表自陳反哀苦次服制有闕毀痛踰常羊枯不堪屐履荀顛面不可識哀瘠在臯憂未忘也其年十二月以奉徵還朝改授平北將軍護軍將軍領石頭戍事又詔都督北討衆軍八年詔授中書令中衛將軍續領衛尉卿

公趨事紫泥兼摠關柝絲綸惟序衿帶以清八屯斯謐千廬無警其年秋更授使持節散騎常侍都督南北充北徐青冀五州諸軍事鎮北將軍南兗州刺史以太妃憂服未闕固辭鼓吹北抬起督南兗揚竟刑繁訟擾舊曰難治公登車攬轡懷遠能迓貝錦在路不盜竊於達中桃李乘蔭不潛掇於樾下李珣率由清約馬融雅好人倫等諸今者弗能及也離碓王壘井絡金城乘傳述戎首車具選九年正月遷使持節散騎常侍都督益寧梁南北秦沙七州諸軍事鎮西將軍益州刺史西通渭潯北指秦川鳥鼠河沙之西

龜茲隴右之長良與方族塞馬千羣趨庭恐後魏攻
 巴南安太守垣季珪堅壁拒守南安將校挺竄三巴
 百縣狼顧影伺公命旅授師箠無遺榮戎途匪日凶
 鋒折道遐迩具瞻夜戶不閉問子真於谷口祭仲元
 於圭畿表君平之舊廬軾長卿之故館停驂詢俗捐
 客誼經聿循復漢講堂禮殿誕於成都紹文翁之教
 習飲射之儀命王冲子廣信侯映降為諸生率先宵
 子執經受業適道為羣長多移趨相觀競好信達多
 人不師古道則業夫咲之十四年更授使持節散騎
 常侍都督荆湘雍益梁寧南北秦八州諸軍事鎮右

將軍荊州刺史同郭伋之再至等黃霸之重来下車
 之日舉賢彈枉都邑安寧川域無反有以公拍麾
 不言為典容其短仰公慈哲莫不改過
 開立序校肆習生徒採玉荆山求赤水赴我計車
 識道八九顧視囿十五乎賓或諱中之寧部乞
 師衛行薦公檢蜀眾精勇者授之故將不廢
 荒部斯道乃清會於益十七年第七兄司空
 安成康王薨公同胞異體弥深友愛奉問驚慟絕不
 復蘇珠散絕流解投弗垂累月積時涕洟勿輟十八
 年徵授侍中中撫將軍同三司領軍將軍明

良哉於壹德羣僚仰乎碩輔仁人周親於斯爲盛匹
色立朝勞而弥序貴而思降夙夜匪懈吐握無怠弘
濟于艱難宣力於治忽方誕講五戎重司九伐將領
脩法介服亭立乃爲之三令五申識日設□□□朴
表紉掌景司待景□道絕趨拜亦不以瘞禮有譏普
通三年十一月八日薨於位爰初邁疾至大漸輿
駕驟幸有瘞寢膳公慮貶神和辭不稱劇遂乎反席
湛然無撓上震悼遣侍中□□護喪事惟宜不
貸迨葬詔曰故侍中中撫將軍開府儀同三司領
軍將軍始興郡王愔茂脩於同氣治績於相庭輝光

庶務翼佐運始勲隆陝服契闊屯夷劬勞蕃寄自內
掌戎司嘉猷弥著方正位論道弘贊衮闕奄焉喪次
朕用傷悼于厥心飭終加等寔惟首諮宜仁靈車以
車追誥可贈侍中司徒驃騎將軍餘如故給班劔卅
人羽葆鼓吹一部謚曰忠武王禮也惟公栖心衡泌
則繕性虛寂枕戈授律則勲隆協贊孝敬盡於君親
仁義行乎鄉黨孜孜爲善温温克讓機神妙極斧藻
英華□□□□政存勿擾治貴無爲績著
荆蠻化行江漢刃宣其利鑿獻其朗推賢下士降尊
就卑無棄賤貧所珍儒雅鹽梅鼎實舟楫大川信列

辟之羽儀庶僚之准的者也加以深信大道妙識苦
空味絕滋腴身離煩渴□□□□□□□□□□□□□□□□
山世鑽仰道俗影附功高宇宙譽穆惇史自駟印潛
光鹿梅將駕吏民哀慟襃經成林瞻大山而弥悲仰
棟宇而興慕諒已鏤金雕玉昭像鳳墀飭碧繪丹厝
形麟閣戎狄思耿胡羌悲鄧告哀墮淚不□□□□□□
□□□□□□故吏羅玄昭等煙霞絕阻川路悠長不
及卜遠之晨罔遠易名之請灑泣無寄銜恨莫伸謹
遵前議刊□立碑髣髴令德依稀神儀傳世代而莫
朽等山岳而無虧其辭曰日月貞明川岫澄清□□□□

奉職毗世作楨於樂忠武體二於情義均與日道藹
間平棟梁是則羽翼人英木運告圮繇倫殒覆我□
□□□□□□水庸嘯樊谷關河之寄允
歸親睦若恂係兵猶何轉轂締構寶曆山河萬寓
雲雷利建□此南土比漢於梁方周于魯擁旄推轂
出蕃人輔車服以庸旗章有序六條設教八命肯彰
再臨七澤傍□□□□□□□□□□□□□□□□深彭泗
恩浹樊襄有來斯穆無思不康弘闡聖化休我烈
光文武蕙姿出內均美式茲□□□□□□□□□□□□
事飛騰九軌緝是謳歌明茲獄市方赶上鉉燮理陰

陽倍觀鑾日觀侍 躡隴鄉遐 嚮化

公後 此台光報施為虛福仁遂爽瓌樹云落人倫

安放罷市四蕃行號十壤吏民推慕賓御 惘山海

安託蟬佩空想如鄭喪傷由晉亡嚮西光曖曖東川

瀆瀆時謝深恩年流德廣式雕玄永寄希仰侍中尚

書右僕射宣惠將軍東海徐勉造前正負將軍吳郡

張法明監作 吳興貝義淵書 丹揚序

賢明刻字防閤吳興郤元石

文二千八百四十許字全剝闕者八十餘字蘭泉

錄者一千三百六十許字今增繹出千有二百二

十字正蘭泉誤釋十六字其識而未確及漫不可

識者僅百八十許字 第五行雷震不驚事史未

載 第十行除侍中將軍史不載 第十一行食

邑二千戶二史作三 第十七行中衛梁書傳誤

作中軍本紀四月仍作衛八月又誤軍 第十九

行離碓史記河渠離碓漢書溝洫離隼 七州史

作六州鄱陽王恢傳十三年都督益寧南北秦沙

七州諸軍事益州刺史乃止五州疑其遺南北梁

也其前為荊州刺史都督之九州則多荆湘南北

梁也 第廿一行業夫當猶僕夫 第廿二行八

州史作七州 雍下似益史作南梁史無益故云
七州 第卅五行立下刻時遺一字未注補

梁吳平忠侯蕭景神道石柱題額

在始興碑西南三里亦見六朝事迹所謂花林之北
石柱一又謂神道在清風鄉花林邨者也花林之名
今猶存其文反刻順讀其柱南直西石獸其東獸亦
存而東柱亾久矣安成西碑南側亦有石柱其額剝
爛不可搨其前二行以碑額推之當是梁故散騎常
侍今唯故散二字略可識亦反刻順讀差足爲此柱
額比例惜兩東柱並亾末由臆測其對此反刻者云

何目

梁臨川惠王蕭宏神道二石柱題額

在上元北鄉張庫邨去安成碑南可十里距朝陽太
平兩門各二十餘里自六朝事迹著錄後元明迄今
金石家皆未之及同治戊辰八月訪吳平石柱花林
一邨交漫言張庫兩石柱正與此相似尤高大亦梁
武帝墳也邨人指秀憺景諸碑因冒雨亟尋獲之其
東柱順讀始右西柱逆讀始左又與安成吳平兩反
刻不同字畫精美絕似瘞鶴銘疑上皇山樵一手書
也兩楊州牧楊字並从木王懷祖氏讀書雜志歷引

史漢碑版以證揚州字隋以前从木唐人誤从手得此二石又增一確證

梁南康簡王蕭績神道二石柱題額

梁書南康簡王績高祖第四子也普通五年加護軍將軍大通三年薨于任贈侍中中軍將軍開府儀同三司金陵新志南康簡王墓在句容西北二十五里同治己巳甘泉張肇岑訪獲于句容之侯家邊

梁建安敏侯蕭正立柱二

六朝事迹謂墓在溇化鎮西宋野石柱塘去城二十五里又謂神道在鳳城鄉者也

梁新渝寬侯蕭暎西闕

在句容以諸闕例之侯下只應有一之字而此有三字空審石上乃似無字者

梁瘞鶴銘

同治戊辰江中又出小石一片有也迺石旌四字作二行位之高碑與此下一石同迺下猶有大半字影而石上猶有餘石可容二字計迺上餘石亦當有半字而並若無字者然何也

宋重刻在西崖上者存上半段如鈎畫者然其下端略齊逸王耶經各得少半字冥右銘各得大半字扁

下是右非左則下右割當爲左割隱字及其下半字不可識可增今五石本廿六字重十八字

魏孝文帝弔比干文

嘉道以來相習尚元魏人碑版此石朝廷著作書手尤極一時能事莫精誼當冠一代老輩以元祐重刻不甚重之非鑿之眞者每經比干廟此石獨精采動人徘徊不忍舍去咸豐庚申初秋手拓此紙辛酉初夏乃翦貼于湖北撫署多桂園書示繩兒

魏慧成爲父始平公造像

授堂金石跋引隋書謂元孝矩祖修義父子均孝矩

西魏時襲爵始平縣公此記或子均爲修義所建蓋以既有元氏師僧父母塋會蘭泉萃編已辨證其不合謂始平公或別一人良然據記云比干慧成父使持節光祿大夫洛州刺史始平公奄焉薨放又云遂爲忘父造石像則始平公者慧成父也慧成不知何人故始平公亦不可攷記以太和十二年九月訖朱義章書孟達文自漢以來碑版存于今有書人名者始建和元年書武班之嚴祺伯魯次卽建甯四年書西狹頌之仇靖漢德五年書郝閣頌之仇紉子長次卽太和七年書孫秋孫等造像記之蕭顯慶次卽義

章降而王遠書石門頌王實書石窟碑陶弘景書許
長史舊館壇碑貝義淵書忠武王蕭愔碑王長儒書
李仲璇修孔子廟碑則此風大開矣太和上距曹魏
黃初二百四五十年義章作書猶元常典則宜得以
名顯也碑頌記文及界行怵凸文異他刻而氣韻生
動倍見精采咸豐五年正月三日

元氏崇信衆門史至特作釋老志自孝文遷洛陽終
東西魏其造像碑銘在洛陽今見者大小幾五百石
亦不勝紀錄矣慧成一石刻寫精異時代又首諸碑
所以寶貴正月六日又書

十六國春秋夏勝光三年魏有平西將軍始平公隗
歸先此五十七年

魏楊大眼造像

楊大眼爲孝文造像碑無年月魏書本傳世宗初裴
叔業以壽春內埒大眼奚康生等率衆先入以功封
安成縣開國子北史同碑云南穢旣澄震倣卽振歸
闕殆卽其事此記卽以此時作也碑末單書武字不
可曉豈欲紀宣武年號而未竟耶碑書大眼歷官有
梁州大中正兩史失載而兩史安成縣碑作安戎縣
攷魏書地形志唯有安戎縣爲秦州略陽郡所領其

燕西汝南岳安宕都四郡並領有安城縣而非安成
當據碑補正之乙卯開歲七日

魏靈藏薛法紹造像

鉅鏤魏靈藏河東薛法紹二人造像碑亦無年月與
楊大眼碑同出洛陽伊闕字勢又相近殆同時作也
其波磔自然處並可悟屋漏法橫畫多帶分隸亦見
蘭臺發源 古刻無花字始見此碑前人謂花爲太
武始光新字或又謂葩之行書譌變而成花又變而
成藹李楷述身賦發花與英華韵發花卽發葩故文
選琴賦注引郭璞曰葩爲古花字後漢書張衡注藹

爲古花字亦是葩字此碑有鵬擊龍花又云合門榮
葩直以花葩爲華因變成假矣爾雅釋畜注今之桃
華馬釋文華本又作花同豈景純卽已假用不必新
字耶乙卯人日又書

魏石門銘

又識西壁漢永平刻文後四行窠其筆勢亦遠書也
坳諸卷尾

魏高使君懿侯碑

高羽真碑魏石刻之最整隋者與張神園一石同在
正光時可稱雙絕成豐己未九月京師裝

東魏太公廟碑

此紙庚申八月經衛輝繩兒手拓者辛酉二月剪貼于太湖軍幕碑前半重錄晉盧无忌表後半乃刻穆子容文又一式

此拓咸豐辛酉冬收于皖城以校去秋經衛輝所拓尚多存十許字以校蘭泉萃編所錄又多損十餘字蓋嘉慶末道光初拓矣臘月五日繩兒重裝貼過爲記之右跋又一本

北齊西門君之碑頌

此頌庚申七月出都時李芋僊大令持贈繩兒者欲

經漳南岸手拓其陰過去抵安陽乃憶之適市中出此收歸以校蘭泉所錄可識者多將百許字則此陰又乾隆前拓矣辛酉暮春校書鄂撫署多桂園繩亦自祁門來翦貼觀覽因記

隋龍藏寺碑

眞書至初唐極盛而初唐諸家精詣北朝無不具者至開皇大業間卽初唐矣此碑置之褚登善諸石中殆無以別知卽所從出也前乎此之武平六年道興造像記後乎登善之王居士磚塔銘皆是一家眷屬前輩至謂磚塔乃集此碑字所爲固不必然亦見其

波瀾莫二矣碑在正定城中大佛寺額字猶完好如新其結體即開伊闕佛龕其精悍奪人又與張猛龍碑額分道揚鑣鵷庵此本校近拓多完七十餘字尤可寶貴當別求精拓額字合之同治己巳三秋持示命署其首因識邵亭明安

隋孔宣父靈廟碑

此種書品在曹子建碑之上隋碑之甲乙也前人金石書竝未著錄咸豐己未京師裝成識

隋欽江縣正議大夫甯贄碑

是碑在廣東欽州翁阮兩金石略未著錄 開皇十

七年令狐熙為桂州總管華夷感化俚帥甯猛力在陳世已據南海隋因而撫之拜安州刺史猛力恃險驕倨未嘗參謁熙諭以恩信猛力感之詣府請謁不敢為非熙奏改安州為欽州 大業元年劉方平交州經略林邑遣欽州刺史甯長真等以步騎萬餘出越常上竝見通鑑 隋書劉方傳仁壽末授驩州道行軍總管經略林邑方遣欽州刺史甯長真等以步騎出越常又見林邑傳

隋馬興墓誌銘 唐咸亨元年

右誌一文二紙前紙高廣一尺一寸十三行行十三

字後紙高廣各一尺一寸六分行十四字當是一石
兩面刻也蘭泉未錄淵如云在孟縣 三行或五行
府十一行慶下口皆刻後旁增見古人之質 慶下
添似壘循下不可識末一行乃妄鐫

唐隨清娛墓志

隨清娛墓志昔人皆未之言道光間始有傳之者同
治壬戌秋張仙舫觀察攜有拓本借讀依其式鈔出
如右既非唐人刻志行款則不自土出可知謂是汝
南公一例彙本不應第一行公字有利削補石之紋
覈其字畫蓋與邇日刻開皇蘭亭如一手所爲

唐□夫人程氏塔銘

此殘誌丰韻絕佳大似敬氏磚塔銘

唐明徵君碑

在上元棲霞山麓去梁安成碑東北五里許秋棲霞
爲金陵絕勝寺已燹毀而碑歸存棲霞今日之遊賴
此石猶可語耳碑以上元三年高正臣奉敕書御製
文字近懷仁集聖教序亦去太高兩宗御墨不遠初
唐佳刻照眼若新良不易得唯末行年歲上闕上元
三三字剝痕尚新嘉慶諸老箸錄皆未言蓋近在廿
年間篆額者王知敬其結銜字意獨不與本碑同兒

子彛孫習摹知敬書謂此結銜直是李藥師碑意當
爲知敬自題審觀之尚不謬因埒存其說唐人篆額
又自題銜蓋他碑所未有也

唐龍角山慶唐觀紀聖銘

咸豐己未十月在京師先收得碑陰攜之趙州度歲
繩兒翦貼以爲楷式庚申春入京復獲正碑于琉璃
廠肆彙爲一冊此文蘭泉未錄碑陰淵如亦未見呂
君小楷書亦是一時能事 御製御書四字張說題
建碑年月呂向書 碑陰第一橫之左又有長慶三
年李寰等二人題名

唐開祝衡嶽銅簡文

簡高一尺五寸有半廣五寸彊咸豐初山農鈕士得
之舊藏易小屏大令今歸李氏正面五行背三行小
楷書戊寅是開元二十六年

唐三墳記

少溫書碑今存者大字以般若臺銘爲第一此記及
庾公頌亦皆極致之品非遷先塋之開失城隍廟之
重刻者比咸豐庚申十月繩兒檢出觀覽爲題

唐惠山石牀題字

同治丙寅九月初在韶契室觀鈎刻聽松石牀題字

其補正竹雲章谿遺誤伯崩岐疑一如天如華頌唐
陰唐側別文同石者分合了然善矣其云兵亂火燬
或昇運金陵則傳聞異詞固疑此石未泯歸道無錫
亟泛舟訪之循寺門基而登果得諸道東亭下牀端
翹起聽松字煜煜映斜日射人目倚懸摩久之牀
面趙希袞大書題名極似涪翁筆勢命家僮拓二篆
以行少溫書季卿述三墳記謂老沙防焉蓋取堅頑
能久此石堅頑帶沙質豈亦老沙耶聊爲少溫書之
一證還舟漫識卷尾將寄諗百榭室主人知此石尚
無恙足供好古蒐訪當同此欣快也展重陽日

唐李含光碑

此碑自乾隆壬子錢辛楣先生屬汪稼門蒐訪僅存
碑石廿三片合全半字才一千四十餘百碑四面刻
通計首尾千六百餘字此本字全闕者三百七十餘
存者全字半字尚合千二百餘蓋查二瞻舊藏舍弟
祥芝收之祁門者當明季 國初拓本較乾隆時猶
多二百許字其拓不分明處乃被俗子墨填失其精
采大可惜也同治甲子歲仲秋月朔邵亭眀燮皖中
裝成記

道光丙午冬在黃虎癡叟黔陽學署觀其所藏顏碑

以此碑正面未翦一紙為最舊拓謂今句容所刻補字出汪稼門得宋本鈎傳者皆惡劣惟何子貞有四面全拓校其僅正面者尤希世之珍也今完拓既不可得此拓既校稼門所收多二百許字亦足珍矣

此魯公年六十九時書也計今顏碑存者前二年有元次山表墓碑後一年有宋廣平碑側記又後二年

有顏氏家廟碑而顏碑絕筆矣是後一年有明州刺史王公德政碑見年

譜今不存書此碑之年復有殷夫人顏氏碑凡皆魯公晚年書融會篆分隸為一家無意于工工乃獨絕其俊

偉軒豁處人所激賞追摹善矣其一二拙澀天真人所忽視尤超詣不可等倫學者合數碑觀之當自得也

自粵賊據金陵句容淪陷者蓋十餘歲稼門所收廿三碎石今又不知存亾整貼此卷畢適有克復金陵之報早晚東下當策杖一訪金壇華陽之洞天一證顏書存亾多少更蒐剔許長史陶隱居舊蹟也欣喜記之甲子歲六月二十日

同治丙寅遵義趙崧于句容訪獲是碑碎石大小十五石通計全半字百九十七今又逸去三小石計十五字壬申歲甘泉張肇岑又蒐獲二石移入句容學宮共二百七十九字校乾隆時汪稼門所獲猶不及半耳

獲猶不及半耳
男繩孫謹注

唐信法寺彌陀象碑

顯慶三年四月在元氏縣東北雲起寺鄭萬英文無
書人 尚有碑陰及兩側題名此未具 此碑楷法
絕佳可與獻陵昭陵諸石竝驅唐初書家精美如此
乃不以名顯爾時書道之盛可想見

唐人楷書

此皆因宜堂帖所刻一帖兩縮本外皆以元石鈎摹
入刻碑塔杳冥君潘智昭三種幾于亂真矣同治甲
子初夏

南唐妙因塔柱所題佛語

此石建于南唐徐鉉題其額曰妙因在栖霞寺之東
卽隋時葬舍利處見張敞頤六朝事迹近嚴觀記江
甯金石乃以塔爲隋建其題刻爲陀羅尼經語并誤
宋劉蒙伯碣文

君謨此書雖亦規模魯公而以匾格爲之直似今日
殿試朝考法度古人碑版意思蕩然矣金石家于汴
京以下之刻等諸旣灌而往不唯書法卽刻工亦失
其傳此卷以閩石難得又蘭泉未錄故翦莊出子弟
觀究勝時賢十倍咸豐庚申十月懷甯縣廣邨之寓
邵亭書示繩兒

宋瀧岡阡表

此碑陰卽歐陽氏家譜一卷小楷尤精美當別求之
宋敦興頌

王蘭泉謂惜唐英之名不可攷 按唐英當是姓名
特人不可攷目刻在長安虞永興夫子廟堂碑陰有
篆額而此本未備虛儀先三字在石泐落處山夫竹
汀本豈猶全乎蘭泉所錄于碑第二三行闕字與今
本同不應首二字獨全蓋據山夫說載入目咸豐辛
酉四月鄂撫署多桂園翦貼此種錄潛研堂跋尾于
後示繩兒

宋元祐黨籍碑

宋史徽宗紀崇寧元年九月己亥籍元祐及元符末
宰相文彥博等侍從蘇軾等餘官秦觀等內臣張士
良等武臣王獻可等凡百有二十人御書刻石端禮
門庚子以元符末上書人鍾世美以下四十人爲正
等悉加旌擢范柔中以下五百餘人爲邪等降責有
差二年八月辛酉詔張商英入元祐黨籍三年二月
己酉詔王珪章惇別爲一籍如元祐黨六月戊午詔
重定元祐元符黨人及上書邪等者合爲一籍通三
百九人刻石朝堂餘竝出籍自今毋得復彈奏五年

春正月戊戌彗出西方其長竟天乙巳以星變避正殿損膳詔求直言闕失毀元祐黨人碑復謫者仕籍自今言者勿復彈糾姦臣傳蔡京崇寧元年代曾布爲右僕射二年正月進左僕射京起于逐臣一旦得志陰託紹述箝制天子時元祐羣臣竄敗死徙略盡京猶未愜意命等其罪狀首以司馬光目曰姦黨刻石文德殿門又自書爲大碑遍頒郡國初元符末以日食求言言者多及熙寧紹聖之政則又籍范柔中以下爲耶等凡名在兩籍者三百九人皆錮其子孫不得官京師及近甸五年正月彗出西方其長竟天

帝以言者毀黨碑凡所建置一切罷之此搨乃三百九人之本嘉定辛未權知融州軍沈暉所重刻者在今廣西融縣又有慶元戊午饒祖堯刻者在廣西臨桂于諸賢已沒者皆注曰故校沈本猶備明倪元璐題元祐黨籍碑云諸賢自涑水眉山數十公外凡二百餘人史無傳者其所見卽三百九人之本戚學標書倪跋後云倪謂其碑自靖國五年毀碎此或失攷按史碑立于崇寧元年蔡京請徽宗書刻石端禮門其毀以後五年星變則劉逵之請方靖國時碑未立也安得預毀徽宗通在位二十五年大中靖國一年

目無五年所刻奸黨司馬光下大小臣百二十而云二百餘人不應多其一倍由是言之彼所見特僞本目林雲銘卽謂其靖國五年二百餘人之說有誤今攷倪氏特誤崇寧爲靖國讀史未審目西仲鶴泉旣未見碑本竝史之年重定合籍凡三百人刻石廟堂之文亦未之見校倪尤疎也碑刻以崇寧三年京敘云嗣位五年者通靖國前一年未改元時計之目舍弟庭芝欲通爲攷校于史所不載者取宋人說部求之亦治古者所必資也道光癸卯春三月

宋鄆州學新田記

宋人之佳分書唯晏表山河堰記雄逸有漢人意象李伉此石力摹黃初孔羨得其方滿雖神明不逮庶幾虎賁中郎之似亦宋碑之傑出者矣辛酉初夏多桂園書

宋達州進奉大禮銀錠

款識三行云達州今解發寶慶三年紹定元年分進奉大禮銀一大錠重伍拾兩奉議郎通判達州軍州兼管內勸農兼權州事臣任隆祖中有人名湯孫朱榮止澤而止澤字倒書向上結銜行後復有靳德一郎記五小字

此錠重準今庫平五十兩少一兩四錢準東南市用
 漕平少四錢 同治元年皖南鎮總兵官唐義訓統
 強中營駐休甯掘黃氏窖藏得銀七千餘兩以充餉
 中有此錠舍弟祥芝拓其款識以存

附錄卷第二終

石阡徐祖揚校字



